


پا
لی
ت


۱۲

R.
si
ser
o

5 5



39-IV-12



26

R. gaga.

MARTINI HORTENSI

Delfensis

DISSERTATIO

DE

MERCVRIO IN SOLE VISO

ET

VENERE INVISA:

Instituta cum

Clarissimo, ac Doctissimo Viro, D. PETRO
GASSENDO, Cathed. Ecclesiae Dintelensis
Canonico, Theologo, Philosopho, ac
Mathematico celeberrimo.



LUGDVNI BATAVORVM,

Apud ISAACVM COMMELINVM.

ANNO cIc XXXIII.

30 Octubre 1816

ED. Vincentius Scuamipic
Catharinæ et Annae



De la Real Academia Española.

LIBRERIA DE LA REAL ACADEMIA ESPAÑOLA
IMPRESA EN LA PLAZA DE LA RABEDA
CON SU MUY HONORABLE Y EXCEPCIONAL

Reverendo, Dodissimoque Viro

D. PETRO GASSENDO,

Theologijæ Doctori, insigni Philoso^{pho}
 & Mathematico,

MARTINVS HORTENSIVS S. D.

I quantum in amorem ac restau-
 rationem Astronomiæ propendeo,
 tantum mihi tecum, Vir Clarissime,
 de communibus studiis liceat con-
 ferre; non erit cur metuam, aut cu-
 riositatis in aliena Scripta, aut ni-
 mie in te licentia notam me incur-
 surum. Ignotus mihi es, fateor,
 neque de facie antea visus; sed doctrinâ, Scriptis, No-
 mine, dudum non aliis quam notissimus. Quocircà etiam
 diutius me continere non potui, quin ut à multo jam tem-
 pore, occulto affectu; ita nunc qualicunque hoc Scripto te
 alloquerer, amorisque in te mei certissimum omnibus darem
 testimonium. Pauci sunt hodie quos sincerus ac serius Uranie
 cultus tangit: quid mirum ergò si Te vel solum iis in oris
 (quod sciam) dignas rebus Cœlestibus curas suscipientem,
 amem, & studiosè requiram quicquid in hoc genere Scriptio-
 nis publico usui non desini consecrare? Observations tuas

post Epistolicam Narrationem in FLVDDVM, non
 citius vidi, quām avidissimē perlegi: & ex illo die haud
 levem spem concepi, fore, ut indies plures conquereres,
 conquistas aliis communicares. Nec fefellerit me spes mea.
 Mensibus aliquot abhinc elapsis, ecce de inopinato obla-
 tus mihi tuus ille MERCVRIVS IN SOLE VISVS,
 VENVS INVISA. O quanto affectū Scriptum hoc
 accepi! Quām percussa mihi mens, & interiorēs isti animi
 aestus ē sedibus suis moti! Quām crebra in ore meo hac vox:
 Felicem GASSENDVM qui quod votis tam crebris expe-
 tierant Astronomi, vident, obtinuit, & quod amplius, in lu-
 cem dedit, non suppressit! Felicem me, cui quod nubes invi-
 dere, ab eo nancisci datum est, cui nec scientia defuit, nec
 industria in observando! Postquam verò satis datum ad-
 mirationi, nihil cunctandum ratus, legi illicò & relegi Ob-
 servationem, tuasque super eā considerationes: vidiique
 amplissimum se aperire campum de quamplurimis rebus te-
 cum conferendi, quæ dubiæ adhuc sunt, & inter Astronomos
 controversæ. Qua de causa non potui non summoperè mihi
 gratulari: quum viderem non nisi divinitus hanc occasio-
 nem offerri, quā accuratius quid circā Planetarum Dia-
 metros, usum Telescopii, Calculum Astronomicum, communi-
 operā posset indagari. Ideoque per Genium tuum licere repu-
 tans, pauca haec in chartam conjecri: non cum in finem ut ex
 me at tecum comparatione gloriolam aucuparer (quod vanum
 nimis, & mihi imprimis odiosum) sed ut quibus mediis

Astrorum:

Astrorum Scientiam promoveri posse putabam, ea diutius non laterent, verum in lucem tracta aliorum excitarent industriam in simili pulvere se exercendi. Etsi vero non defuturos auguror, quibus preceps nimis videbitur hæc Scriptio, cum nondum plurium testimonius eandem observationem videant comprobari; non possum tamen committere, ut aut de fide tua dubitando, aut aliorum observata expectando, meditationum mearum fructu cupidi lectores spolientur, ipseque serà post negligentiae penitidine torquear. Sic mihi stat sententia: nihil differendum esse cum de usu aliorum agitur; sed dandam operam, ut quantum in nobis est, communī bono alacriter studeamus prodesse. Fortè etiam erunt, quibus præjudicio occupatis adhuc suspecta est tua observationis at eos ego securos esse jubeo. Major est candor tuus, major amor veritatis, quam ut per falsam aut suspectam observationem universum orbem deludas. Quin notatus oculis manibusque Mercurii motus vel invitatos in assensum trahet, et si meum non accedat suffragium. Sed veniamus ad rem missis longioribus verbis.

AD observationem ergò quod attinet, ea talis certè fuit, *Merc.* & hujusmodi apparatus, ut majorem tibi serenitatem *in Sole* nemo nisi invidus summis votis non exoptasset. Agnosco *pag. 4.* circumspectam diligentiam, quā non nisi Telescopio & Quadrante instructus lubricum istum Majæ filium aggref-
sus es. Et prudenter quidem Telescopio. Nam absque co-
induci

induci non possum ut credam fuisse apparitum: ut ita proprio instinctu feliciorem te reddideris, quam si *Kepleri* admonitionem fecutus observationi per nudum foramen incumbens, tota hujus phænomeni apparitione excidisses, aut saltem ex voto ei nequisses confidere. Longè enim promptior & clarior est macularum Solis minutiorum repræsentatio per Telescopium, quam per nudum foramen, ut sine dubio særissimè expertus es: tantum abest, ut accuratio Mercurii observationem à foramine exspectandam fuisse nobis cum *Keplero* persuadeamus. Quinimo in observationibus Eclipsiū Solis, quando hoc modo uti soles, non potuit te latere, quantum intersit discriminis inter singularum phasium promptissimam annotationem per Tubum Opticum, & hæsitationem per nudum foramen: quam jucundo quam certo spectaculo Luna se vel in minimas disci solaris particulas insinuans, ad quælibet momenta quantitatē Defectus prodat indubitatam; ubi per foramen quantamcunque adhibeas diligentiam nunquam assequi vales ut margines Solis aut Lunæ satis distinctè in objecta tabella depingantur. Rectè igitur Telescopium adhibuisti ad hujus Phænomeni observationem. Quod autem inde à die quinta observaturus adfueris, & usque in septimam, quā visus Mercurius, continuaris, non est cur non approbem. Eadem sanè me cura habuit, sed longè dispar adfuit fortuna. Dies quinta, quam tibi totam pluvia abstulere, nobis Lugduni Batavorum similiter nebulosa, frigida, & pluvia fuit, flante Libonoto. Sexta, quam manè nebulosam, inde variam, post obscuram & pluviam fuisse aīs, nobis quidem mane nubila fuit, sed ita, ut subinde conspicuum redderet Solem: à meridie cælum fuit pluvium, vesperi serenius post ortum Lunæ, uti passim his diebus. Flabat tum temporis Libonotus aut paulò meridionalior. Non visus in Sole

Sole Mercurius: Diem septimam, quæ tibi varia fuit, ita prorsus occuparunt nubes, ut à mane ad vesperam ne semel quidem conspicuum fecerint Solem quantâvis diligentia inquisitum: noctem verò Luna orta rursus exhibuit sic fatis serenam. Flabat tum Auster & Melophœnix, qui non *toni-*
Merc.
trua nobis & *fulgura*, ut tibi, sed & noctem & diem sequen-
in sole
pag. 11.
tem usque ad vesperam quando rursus turbata aura, dedit serenissimam. Die autem 15 audita nobis crebra tonitrua, visa fulmina, flante Notolybico valido, cum multa gran-
dine; quam secuta dies 16 adeo ventosa ac tempestuosa ut passim prostratæ sint arbores. Sic habuit meus successus *Ejusd.*
circà observationem Mercurii. Pergis Tu, & postquam *Pag. 6.*
horâ 9, hiscentes nubes conspectum Solis liberiorem per-
missent, ais, te Mercurium ob summam tenuitatem pro-
macula adspexisse, *qua eis in Sole pridie non erat visa*, potuerat
tamen ex eo tempore perinde subnasci, ac factum alias compereras. Ita
sanè est: quoties præjudicio tenemur, ea quæ ante pedes
sunt aut non admittimus, aut flectimus quantum licet ad
præconceptam opinionem: pravo mediusfidius humani
ingenii more. Neque ego ab hac imbecillitate me eximo.
Idem cogitassem si Mercurium contigisset observare. Rectè
enim addis, non ita novum esse, maculas in Sole de subito
aliquando nasci, aut natas & observatas è medio disco Solis
evanescere: quod & mihi notatum sèpius, & neminem
hodie latere arbitror, qui modò paullum in observationi-
bus macularum se exercuit. Quomodo autem hoc Phæno-
menon legitimâ ratione salvent, qui macularum periodos &
nescio quot Planetas circumsolares nobis comminiscuntur,
hactenus videre non potui. Distractionem quidem aut
condensationem excusare possunt per variam istorum Pla-
netarum conjunctionem aut separationem: sed rationem
cur in medio disco Solis, clarissimo cælo, subito in magni-
tudinem

8 M. HORTENSI DISSERTATIO

tudinem & densitatem tam evidentem antea non conspectæ excrescant, meo judicio, nunquam poterunt expedire. Cæterum optandum fuisset, maculam aliquam adesse, ad quam comparatus variè Mercurius, certi quid de sua parallaxi ex diversorum observatione potuisset edocere. Dico de sua: nam circà parallaxin macularum jam olim notatum est ex observationibus Galilei ac Scheineri, eam aut nullam esse à Sole, aut adeò exiguum ut Observatorum oculos manusque effugiat. Immò motus macularum (saltem circà centrum disci Solis) ut proximè in singulos dies aut diei horas proportionalis & æquabilis, evidenter probat, parallaxin in maculis vix aliam esse quam in ipso Sole, cum in evidenti Parallaxi à Sole, motus circà meridiem non posset esse idem cum motu circà Horizontem, uti patet ex Luna. Accedit, quod ex motu macularum circà Solem tardiore quam est motus Mercurii, nemo non queat colligere eas esse Soli longè viciniores ipso Mercurio. At si Soli longè viciniores, jam sanè earum parallaxin à Sole querere videtur frustaneum, cum parallaxis Mercurii totalis in situ sub Sole non excedat scrup. 4' etiam in ipso Horizonte; adeoque ejus excessus supra parallaxin Solis non sit admodum sensibilis.

Certissimum porrò argumentum visi à te Mercurii mox addis, quod in tam exiguo tempore motum ejus in tantum acceleratum repereris, quantum alias maculæ integro die *Eiusdem* vix permeant. Ac licet ipse prius subdubitaris, majoris magnitudinis exspectatione te fallente, & motu adeo celeri eximente cum è numero macularum vulgarium; unum tamen illud est quod fidem firmat observationis, & à suspicione observatæ maculæ pro Mercurio te liberat. Norunt enim quotquot maculas viderunt, earum motum non esse adeò celerem; & ego diu versatus in earum contemplatione, adeò *præci-*

præcipitem motum nunquam deprehendi, sed hoc solum, maculas in tali distantia à centro Solis, qualem hīc Mercurio assignas, non plus proficere in singulos dies quam duodecimam aut decimam tertiam partem Diametri Solis, circà limbum autem longè minus, puta partem vigesimam sextam, aut trigesimam. Et poterat quidem excipi, maculam fuisse extraordinariam, & ut jam tunc in Sole natam ita diverso ab aliis motu præditam, sed frustrā. Nam & alias in Sole natae, & ordinariæ, & evanescentes, non nisi similem inter se motum sortiuntur, teste experientiâ: & motus hujus intrâ paucas horas ita continuatus, ut è Sole eam exexerit, tam evidens præbet testimonium pro Mercurio, ut perficitam frontem habere necesse sit eum, qui adversus tam inauditum motus macularum exemplum, studio contradicendi asserere ausit, maculam eam fuisse in Sole, non ipsum Mercurium.

*Vmbram Mercurij extremam dilutiorem te deprehendisse
ais, & aliquantulum rubescensem, idque ob vapores interjectos, & naturam viirt.* Quod ad primum, posset nobis aliquis ex eo Mercurij globum intus densiorem concludere, exterius rariorem, ut ita Sol aliquantum penetrando substantiam Mercurij, circà limbum lucidiorem eam reddiderit & minus opacam quàm circà medium. Posset item Mercurium etsi paris densitatis, aliquo modo tamen pellucidum fingere, ut ita circà margines ubi Soli minus objicitur de profunditate corporis Mercurialis, dilutior quoque orta sit umbra quàm in medio disci. Posset denique alias nucleus istum atriorum pro globo Mercurij assumere, dilutum limbum pro aëre circumfuso, uti alias nonnullis fingitur circà Lunam. Verum meā quidem sententiâ non opus est eò configere: sed videtur genuina ratio quærenda in ipsa magnitudine Solis, ob quam quotidianum est in omnibus opacis apud nos, ex-

tremitates umbrarum dilutiores reddi partibus earum intermediis; non verò in superiorum causarum aliquâ. Nam ut diversum habemus exemplum in Luna, quæ in Eclipsi Solis nulla sui corporis parte hîc dilutiorem umbram reddit quam illic, (quæ enim ab Apelle in Maculis Solis referuntur de Eclipsi Solis anni 1612, talia esse judico, quæ serio & Cæli perito observatori risum magis quam assensum moveat, re ipsa clamitante in fidem potius præconceptæ opinionis fictum illud Phænomenum, quam revera observatum: unde etiam meritò explosum est à clariss. Galileo in *Maculis Solaribus.*) Ita contra in opacis omnibus habemus exemplum simile, quæ margines umbratum suarum sensibiliter dilutos solent projicere. Quantum ad alterum, nempe margines Mercurij nonnihil rubescentes fuisse exhibitos cum interior pars foret nigricantior, id rectè è more macularum esse agnoscis, & in aërem vitrumque culpam rejicis. Aërem enim ad flavo aut rubro colore pingendum lucis umbræque confinium non omnino ineptum, arguunt crepusculorum in Sole occidente rubor aut flavedo, & mutati plerunque (cæteris paribus) rerum colores tempore magnarum Eclipserum Solis. Sed & vitrorum natura ac pol tura non minimam culpam hîc sustinet. Videmus siquidem à vitreis trihedris, ab hexaedris crystallinis, à perspicillis, transeunte lumine Solis, non rubrum solum & flavum, sed & purpureum & viridem, adeo que omnes colores iridis perfectè referri. Quod etiam fit si objecta alba per ea intueamur, præcipue ubi est separatio superficie albi coloris à superficie alterius. Quæ omnia à duplice refractione & varia radiorum sectione in medio denso fieri, vitrumque ac crystallum, hac in re aptissimum esse, notum est & proditum passim apud Opticos. Ut mirum videri non debeat, si opaci macularum limbi in confinio lucis Solis coloribus iridis,

etsi
non

non omnibus simul, circumcircà tincti appareant. Nam quod plerumque purpureum aut rubicundiorum reddant, non nisi à certa eademq; refractione est; cum moto Tubo ita ut species Solis per margines vitrorum sub paulò alia obliquitate, refractione, & intersectione incidat, & flavum induant & croceum. Idem fit limbo Solis, eò quod aura cælestis circumfusa vicem gerat opaci: idem parti cuivis Solis circà limbum Lunæ in Eclipsi solari, aut circà quemlibet paritem, si contingat eum Solis per Tubum intromissi partem aliquam abscindere & occultare; velut macularum obser-vatoribus notum est ac perspectum.

Quantitatem Diametri Mercurij habitâ ratione dilutissimi etiam limbi, profectò præter omnem opinionem admodum exiguum assignas, scilicet sub nonagecuplam Diametri Solaris; ut ita si Diametrum Solis omnino scrup. 35 $\frac{1}{2}$; juxta restitu-tionem Lansbergij assumamus, Mercurij diametru sub Sole visa non fuerit major scr. 23": pro quibus tamen assu-mere lubet 20" ut meram Diametrum. Nam quod ipse post majorem facias & à crasso aëre suspiceris quidpiam potuisse circumlibari, minus mihi probatur; cum aërem crassum um-bram Mercurij potius distinguiorem & majorem fuisse exhib-iturum, retuso lumine Solis, nullus pene dubitem, qui sæ-pius viderim aërem in Occidente non tantum non plus ob-esse maculis Solis quam in alto Meridie, sed eas latiores etiam ac distinctiores oculis præbere inspiciendas. Non ex-curram hinc latius, aut admirationem insoliti insperatique phænomeni pleniore calamo prosequar. Cujus enim ex-spectationem non elusisset tam contempta parvitas? Aut cui persuaderi potuisset, tam splendidâ aliâ luce refulgentem Cyllenium tam exiguę umbræ radios suos fuisse submisurum? Hoc saltē certum ratumque habebo, Dianetrum Mercu-rij in observatione tua majorem non fuisse, aut minorem


scrupulis 20''. Nec obstat, quod oculari inspectione per
 ejusdem Tubum obscurum solum hiatulum videris, cuius cum Solis Diametro
 pag. 8. frustra tentaris comparationem: neque enim id Diametrum
 hanc Mercurij infringit, aut adeo tenuem aestimare cogit.
 Oculorum fuit affectio, non ipsius rei. Nam ingrediente
 specie Solis in oculum, lux ejus adeo ampla respectu Mercu-
 rij, tam validè affecit tunicam retiformem, ut tantillam um-
 bram nequiverit satis internoscere. Ita sàpè particulæ um-
 brosæ candidi parietis validissimis Solis radiis illustrati, non
 nisi oculis conniventibus aut munitis, quantumvis conemur,
 conspectui patent. Lachrymas citius movebis, quam distin-
 ctam in hoc casu assequare visionem. Et quot quæso maculæ
 solares, Mercurij Diametro etiam majores, adspectum no-
 strum vel per Telescopium effugiunt, quæ admisso Sole &
 in chartam conjectâ ejus imagine, suam quoque umbram fa-
 tis manifestè insinuant? Nihil ergo metuendum nobis, ne
 Mercurij Diametrum in tantum cogamur attenuare, quan-
 tum per Telescopium ostendit ocularis inspectio; sed rectius
 multò, tutiusque, Diametro Mercurij per intromissionem
 speciei Solaris mensuratæ adhærebimus, quæ fuit scr. 20''.

Venio ad excessum Mercurij è Sole, diligentia justa à te
 observatum; qui contigit alto jam Sole gr. 21° 44': hoc est,
 ut è Parallaxi ac Refractione Tychonica colligis, die 7 mane
 hora 10 scr. 28'. Etsi verò Parallaxes & Refractions Ty-
 chonicas non prorsus accuratas esse probè novi, retinebo
 tamen eam horam, cum hinc sensibilis differentia non inter-
 cedat, & altitudo Solis à te quoque ipso post socij operam
 fuerit observata. Illud potius nunc monebo: ex altitudine
 Solis meridiana gr. 24° 58', non restitui elevationem Poli
 Parisiensem gr. 48° 52'. Nam si pro Refractione auferan-
 tur ex tua sententia scrup. 4', & restituantur pro Parallaxi
 scr. 3', prodit altitudo vera gr. 24° 57'. Hæc cum Décli-
 natione

natione Solis austrina gr. 16° 20', componit altitudinem
Æquatoris Parisiensem gr. 41° 17'; quæ deducta de Qua-
drante relinquit elevationem Poli grad. 48° 43', ut videas
differentiam excurrere ad scr. 9', & si elevatio Poli à te
assignata, sit legitima, priorem altitudinem Meridianam mi-
nus rectè se habere.

Regionem seu plagam excessus Mercurij è disco Solis, optan-
dum foret pari cura à te observatam quā ipsa hora excessus.
Hinc enim non tantum Mercurij iter sub Sole, & latitudo
ejus ad medium conjunctionis, sed & situs Nodi accurate in
conspicuum venirent; quæ maximi sunt momenti in hac tua
observatione. Verū quando præcisionem voto nostro re-
spondentem obtinere non licuit, ut amur eā quam ut proximam
assignas, distantiā scilicet Mercurij à circulo Verticali
in limbo Solis gr. 32 $\frac{1}{2}$. Datā hac & semidiametro Solis ex
restitutione *Lansbergij* scr. 17° 44", necnon & angulo Ecli-
pticæ cum Verticali gr. 56° 47', invenitur Mercurij latitudo
ad datum tempus scr. 7° 17", & differentia longitudinis So-
lis ac Mercurij scr. 16° 9". Sit enim in adjuncto schemate
F A H circulus longitudinis à polo Eclipticæ per A centrum
Solis traductus, E A G Verticalis, R A C Ecliptica, B lo-
cus Mercurij, Y locus Nodi, B D latitudo Mercurij borea,
A D differentia longitudinis Solis & Mercurij. In triangulo
igitur BAD rectangulo ad D, datur basis A B scr. 17° 44", &
angulus B A D (nempe differentia anguli Eclipticæ & Ver-
ticalis E A C, & anguli distantiæ Mercurij à Verticali E A B)
grad. 24° 17'. Itaque crus B D est scr. 7° 17" & A D scr.
16° 9". Nam ut Radius 10000, ad sinum ang. A 4112,
& ad sinum ang. B 9115, ita A B 17° 44", ad B D 7°
17" & ad A D 16° 9". Quoniam ergo locus Solis verus
è Tabulis *Lansbergianis* erat in grad. 14 scr. 41° 25" m, sub-
tracta inde A D differentia longitudinis Mercurium inter &

centrum Solis scr. $16^{\circ} 9''$, venit longitudo Mercurij visa in gr. 14 scr. $25' 16''$ m, cum latitudine borea scr. $7' 17''$.



Merc.
in Sole
pag. 9.

Parallaxin Solis & Mercurij, aut unius super alteram excessum, quia ὀλοχερῆς est observatio, hac vice negligendam censeo; ne plus concludere velle videar, quam ab observatione ipsa potest obtineri. Sequitur tempus ipsissimae conjunctionis, situs Nodi, & mora Mercurij sub Sole. Retentis ergo diurnis motibus quos ē Rudolphini assumis in Sole gr. 1 scr. $0' 29''$, in Mercurio longitudinis gr. 1 scr. $20'$, latitudinis scr. $20'$, patet horarum motum Mercurij à Sole fuisse scr. $5' 51''$; eoque differentiam longitudinis A D conjectam fuisse horis $2' 45'$, veramque conjunctionem ad FA celebratam ad horam $7' 43'$, in gr. 14 scr. $34' 30''$ m, cum latitudine Mercurij borea AI ex his dedomenis scr. $5' 0''$. Deinde quia Mercurius in gr. $14 25' 16''$ m habuit latitudinem boream scr. $7' 17''$, & in gr. $14 34' \frac{1}{4}$ m latitudinem boream scrup. $5'$, venit locus Nodi borei visus ad horam 10 scr. $28'$, in gr. 14 scr. $54' 43''$ m. Nam in eodem schemate, ut differentia latitudinis BS scr. $2' 17''$, ad IS differentiam utriusque longitudinis scr. $9' 14''$, ita tota lati-

latitudo B D scr. 7' 17", ad D Y differentiam inter locum Mercurij observatum & locum visum Nodi scr. 29' 27": hac ergo additâ ad longitudinem Mercurij visam, venit locus Nodi visus ad Y in gr. 14 scr. 54' 43" m, quo in loco fuit Mercurius horâ 2 scr. 41' à media nocte. Nam inter observationem longitudinis ad D & A sunt horæ 2 scr. 45', differentia autem binarum longitudinum A D est scrup. 9' 14", & distantia Nodi visi à D tempore observationis quo ad longitudinem scr. 29' 27", ergo confecit hæc Mercurius horis 5 scr. 2', quibus ablatis ab horâ 7 43', venit hora 2 scr. 41' post medium noctem, quo tempore Mercurius fuit in gr. 14 scr. 54' 43" m loco scilicet visibili Nodi borei ad tempus excessus Mercurij è disco Solis. Denique cùm tempus dimidiæ moræ Mercurij sub Sole fuerit hor. 2 scr. 45', patet totam periodum B O fuisse horarum 5 scr. 30', & initium ingressus horâ 4 scr. 58' post medium noctem, cùm latitudo Mercurij borea R O foret scrupulor. quasi 2' 43". Hæc rudiori quod ajunt Minervâ sic considerasse sufficiat, Eiusdem.
nunc observationem conferamus cum prædictione Kepleri. Pag. 10.

Prædicta fuit conjunctio ad Meridianum Uraniburgensem horâ 1 scr. 17 1/2, tempore æquali, hoc est, ob locum Solis in 14 grad. m, horâ 1 scrup. 41' tempore apparenti, post meridiem diei 7. Differentia longitudinis inter Uraniburgum & Goesam Zelandiæ est scr. 45', inter hanc & Lutetiam vestram scr. 9': eòq; inter Lutetiam & Uraniburgum scr. 54' subtrahenda, non scr. 40' ut Keplerius perperam assignavit. Contingere ergo debuit vera conjunctio Parisis horâ 0 scr. 47' à Meridie, discrimine observationis à Calculo horarum 5 scr. 4'; in longitudine scr. 14' 24", in latitudine scr. 0' 35", quæ omnia vix ullius sunt momenti, cùm merito tecum mirari liceat, potuisse Mercurij motus in tanta illa observationum difficultate ac penuria, ita cogi in numeros, ut locus

iam.

Pag. II. tam paucis minutis, tempus verò tam paucis horis preter verum ab
fuerint.

ETHactenus quidem *Gassende* præstantissime, filum observationis tuæ secutus, quid ex ea concludi possit prolixius exposui. Priusquam autem ad alia me conferam, Calculum Mercurij ex aliorum Astronomorum, & imprimis novissimis *Lansbergij* Tabulis considerabo, & quatenus cum observatione convenient expedam: sic enim velut in speculo patebit, quām propè veritatem motuum Mercurialium numeris suis assequantur. Ac *Ptolemai* quidem, *Copernici*, *Tychonis* seu *Longomontani*, Calculos quod attinet, sublevavit me onere supputandi vir Doctissimus D. *Wilhelmus Schickardus*, amicus tuus; cujus ad literas tuas R E S P O N S V M , beneficio Clarissimi D. *Goli* nostri, tempore quo W. Schickardi ad Epis-
tulas Gaf-
sendi pag. 20. &c. scribendo perveneram, nactus sum.) Hunc enim tam accuratè totum Calculorum apparatus exhibuisse competrio, ut opera mea frustranea futura sit, si profundiùs in eorum numeros velim descendere. Ideoque examen Calculi datâ operâ declinans, loca Mercurij è singulorum Autorum Theoriis, prout vir ille diligentissimus invenit, in conspectum proferam.

Ad tempus ergò excessus Mercurij à te observatum, prodit ille distantiam Mercurij à Sole ex Hypothesibus *Ptolemai*, gr. 4. scr. 25'. Ex Ephemeridibus *Origani*, quarum fontes insunt numeris *Copernici*, differentiam calculi ab observatione in longitudine grad. 5, in latitudine gr. 1 scr. 7'. Ex Tabulis *Longomontani* quas pro Tychonicis licet agnoscerre, intervallum Mercurij & Solis totorum grad. 7 scr. 13'. Ex numeris *Kepleri* differentiam longitudinis Solis & Mercurij scr. 29'. Denique situm Nodi visibilem ex *Keplero* in gr. 13 scr. 9' m, ex *Tychone* in gr. 1 scr. 38' $\frac{1}{2}$, ex *Ptolemeo*

in

in gr. 24 scr. 58' ≈. Ex quibus evidens est omnium proxime veritatem attigisse Calculum *Kepleri*, cæteros enormius hinc inde exorbitare, quam ut ulla medicina sanando tanto vulneri queat sufficere. Mirum verò non debet cuiquam videri, tantam esse discrepantiam inter placita horum Astronomorum circà eundem Planetam. Nullus enim Planeta est, cujus motus difficilius observentur; aut cujus Hypotheses mirabiliori subjiciantur varietati, quantum per observationes existentes licet colligere. Neque est quod eorum culpemus industriam, qui si non accuratissimam, mediocrem saltem motuum Mercurij notitiam nobis reliquere: unius enim seculi non est, nedum unius hominis, omnem ejus varietatem inquirere ac salvare. Laude potius digni sunt, quod cum quæ vellent obtinere non potuerint, quæ potuere non neglexerint, sed posteritati transmiserint quicquid cælitus instrumentis à se fuit observatum.

Lansbergij Calculus ipsissimam quidem veritatem non exhibet, sed propinquitate ad *Kepleri* Calculum proximè accedit. Adeo post omnem industriam laudatissimi senis, restare adhuc aliquid corrigendum circà Mercurij Theorias nullum est dubium, et si in omnibus aliis observationibus cælestem veritatem Tabulis suis accurate satis æmuletur, uti videre est in ejus *Observationum Thesauro*, egoque infra insigni quoque experimento comprobabo. Nunc vide quæ breviter è Theoriis Tabulisque ejus deduxi.

Observatio tua excessus Mercurij è Sole, habet horam 10 scrup, 28' ante meridiem diei 7 Novembris, hoc est, 28 Octobris Juliani; quibus si pro differentia Meridianorum addamus scrup. 9', erit tempus verum Goësæ horæ 10 scrup. 37'. Ab initio annorum Christi ad hanc observationem sunt anni Juliani pleni 1630, menses anni communis 9, dies 26, horæ 22 scr. 37', hoc est, Sexagenæ

genae dierum 2nd 45th 27th dies 36 scrup. 56th 32th 30th,
quibus competitum est motus.

$\text{Æ}QVINOCTIORVM.$	$Sex.$	$gr.$.	".
-------------------------	--------	-------	---	----

Anomalia $\text{Æ}quinoc.$	5	56	51	9.
Prostaphæresis addenda			12	30.

$SOLIS.$	$Sex.$	$gr.$.	".
----------	--------	-------	---	----


Medius ab $\text{Æ}quin.$ medio	3	46	4	52.
Verus ab $\text{Æ}quin.$ vero	3	44	41	25.

$MERCVRII.$	$Sex.$	$gr.$.	".
-------------	--------	-------	---	----

Anomalia Orbis	3	8	6	59.
Medius Apogæi	3	59	25	42.
Medius Nodi Austrini.	3	44	10	17.

Datis his motibus mediis, ad imitationem D. Schickardi per ratiocinia triangulorum inquiremus motum Mercurij verum juxta Hypotheses Lansbergianas, hoc pacto. Centro A, intervallo A O describatur magnus orbis Terræ O P M O; & centro C, intervallo C D particularum 212 qualium radius magni orbis Terræ A O est 10000, circellus D B E; ut ita Eccentrotes minima AB fiat earundem particularum 523, maxima A D 947. Hinc ductâ lineâ O P, erit Apogæum Mercurij medium in O, à quo si ad locum Solis medium numerentur grad. 346 scr. 39' 10", erit locus Solis medius in M, Terræ in I, & arcus O I M anomalia centri Mercurij, ejusque residuum ad circulum O M grad. 13 scr. 20' 50", cui æquatur angulus O A M. In circello dein D B D pro motu ipsius centri Orbis Mercurij E (qui duplus est ad motum anomalie centri) numerentur in consequentia gr. 333 scr. 18' 20", eritque arcus D B E grad. 333 scr. 18' 20",

$18' 20''$, & residuum ad circulum DE grad. 26 scr. 41'
 $40''$: tum centro E, intervallo EL, describatur orbis
Mercurij L N K L, ductaque linea LEBN erit L locus
Solis in orbe Mercurij, atque arcus L N K anomalia orbis
media gr. 188 scr. 7', & EB linea parallela cum MI, an-



Ducan-
tur linea
DEF
& C E
quas
sculptor
omisit.



gulusque D B E dimidiis anguli D C E per 20. 3 Euclidis,
atque ideo æqualis angulo D A F gr. 13 scr. 20' 50", &
D E F linea perpendicularis tam ad lineam BE quam ad
A F. Denique in radio orbis Mercurij E G H, centro S in-
tervallo S H particularum 190, qualium A I est 10000, de-

scripto circello anomaliae motus reciproci (qui aequalis est motui centri E in circello DBE) numeretur à G per H in Q anomalia motus reciproci gr. 333 scr. 18' 20", eritque ejus residuum ad circulum Q G gr. 26 scr. 41' 40".

His præmissis in cognitionem veri motus Mercurij brevi ac facili operatione pervenimus. *Primo* enim in triangulo AFD rectangulo ad F, datur basis AD particularum 947, cum angulo ad A gr. 13 scr. 20' 50", ergo & crus DF est particularum 218, & FA partic. 921. Nam ut sinus totus AD 10000, ad DF sinum anguli A 2308, & AF sinum complementi ejusdem 9730, ita AD 947, ad DF 218, & ad AF 921.

Secundo, in triangulo BED rectangulo ad E, ex basi BD 424 & angulo ad B eodem qui erat ad A, colligitur DE particularum 97, ac proinde EF est 121.

Tertio, in triangulo IFE rectangulo ad F, ex datis lateribus EF 121, & FI (quod fit ex FA 921 & AI 10000) 10921, venit angulus EIF prosthaphæresios centri additivę scr. 37' 47", & latus EIF partium 10922. Fiat enim, ut IF 10921, ad FE 121, ita sinus totus 10000, ad tangentem anguli I 110, cui cedunt scr. 37' 47" pro Prosthaphæresi centri adiectiva. Item, ut sinus anguli E 9999, ad sinum totum EIF 10000, ita crus FI 10921, ad crus EI 10922.

Quarto, in circello anomaliae motus reciproci, datâ peripheriâ QG gr. 26 scr. 41' 40", ejusque sinu verso KG 1066, qualium radius SQ est 10000, invenitur KG particularum 20, qualium SQ est 190. Nam ut radius SQ 10000, ad KG sinum versum 1066, ita SQ 190 ad KG 20. Additâ autem GK ad EG semidiametrum orbis Mercurij minimam particularum 3573, venit EK radius orbis Mercurij in hoc situ particularum 3593 qualium AI est 10000. Porro quia anomalia orbis Mercurij LNK fuit grad.


grad. 188 scr. 7', ablato semicirculo LN manet NK gr. 8
scrup. 7': & hinc rursus ablato angulo NEI (æquali an-
gulo EIF Prosthaphæresios centri) manet angulus I E K
gr. 7 scr. 29' 13".

Quinto igitur in triangulo I E K obliquangulo, è datis la-
teribus, EI 10922, EK 3593, cum angulo ad E grad. 7
scr. 29' 13", invenitur angulus EIK Prosthaphæresios or-
bis Mercurij subtractandæ gr. 3 scr. 38' 27", & latus IK
distantiæ Mercurij à centro Terræ particularum 7372, qua-
lium IA est 10000. Nam ut summa crurum EI & EK
14515, ad differentiam eorundem 7329, ita tangens dimi-
diæ summæ angulorum ad basin IK 152798, ad tangentem
dimidiæ differentiæ 77146, cui cedunt grad. 82 scr. 36'
56", quibus ablatis de dimidia summa angulorum K & I
gr. 86 scr. 15' 23", venit angulus EIK prosthaphæresios
orbis subtractivæ grad. 3 scr. 38' 27". Item, ut sinus an-
guli I 635, ad latus EK 3593, ita sinus anguli E 1303, ad
latus IK distantiaæ Mercurij à centro Terræ particularum
7372, qualium semidiameter orbis Terræ AI est 10000.
Quod erat faciendum.

Addatur jam Prosthaphæresis centris scr. 37' 47", ad me-
dium motum Solis Sex. 3 gr. 46 scr. 4' 52", & habebi-
mus longitudinem Mercurij centricam Sexag. 3 grad. 46
scrup. 42' 39": à qua si rursus auferamus Prosthaphæresin
orbis gr. 3 scr. 38' 27", manebit vera Mercurij longitudo
à medio Äquinoctio Sex. 3 gr. 43 scr. 4' 12", & cum
Prosthaphæresi Äquinoctiorum addenda scrup. 12' 30",
Sex. 3 gr. 43 scr. 16' 42". Tantum de longitudine Mer-
curij, sequitur ejus latitudo.

In adjecto schemate, centro A describatur magnus orbis
Terræ HIKL, & in plano ejus, orbis FCGE, ad quem
inclinatus sit orbis Mercurij CDEB inclinatione fixâ BF

grad. 6 scr. 16'; sitque E Nodus boreus Mercurij, C Nodus austrinus. Quum ergo motus Nodi austri medijs, supra inventus sit Sex. 3 gr. 44 scr. 10' 17"; auferatur is ex longitudine Planetæ centrica Sex. 3 grad. 46 scr. 42' 39", eritque distantia medii loci Solis a Nodo austriño CR gr. 2 scr. 32' 22", & locus Solis medijs in P, Terræ in O, ac proin O L æqualis arcui IP, & E Q arcui CR. Numeretur deinde ab R loco Solis medio per D in M anomalia orbis Mercurij æquata Sex. 3 gr. 7 scr. 29' 12", eritque arcus RD EM grad. 187 scr. 29' 12", & excessus EM ultra semicirculum gr. 7 scr. 29' 12", quanta est distantia Mercurij à Nodo boreo. Ducantur etiam lineæ, MO distantiae Mercurij à centro Terræ partium 7372 qualium AO est 10000, MN sinus latitudinis Mercurij boreæ, & NO sinus complementi ejusdem.



radius orbis Mercurij AB est 10000: nam ut sinus totus
10000,

In triangulo igitur ENM sphærico, rectangulo ad N, data base E M gr. 7 scr. 29' 12", & angulo ad E gr. 6 scrup. 16', inventur sinus cruris MN particulatum 142 qualium radius totus

10000, ad sinum anguli M E N 1091, ita sinus E M basis 1303, ad sinum cruris M N 142. Sed qualium radius orbis Mercurij suprà inventus est partium 3593, talium M N est 51: nam ut A B 10000, ad M N 142, ita A B 3593 ad M N 51. Ergo & in triangulo O N M rectangulo ad N, ex datâ basi M O particularum 7372, & crure M N 51, qualium A L est 10000, venit angulus M O N latitudinis Mercurij visæ boreæ scr. 24': nam ut M O 7372, ad M N 51, ita M O radius 10000, ad M N sinum anguli M O N 69, cui cedunt scr. 24'. Quamobrem fuit Mercurius ad datum tempus juxta Theorias D. *Lansbergij* in grad. 13 scr. 17' m, cum latitudine scr. 24' borea.

Cum autem locus Solis tum temporis fuerit in grad. 14 scr. 41' m, adeoque limbi solaris punctum quod occupavit Mercurius excedens in gr. 14 scr. 25' m, cum latitudine borea scr. 7', consequens est, Calculum *Lansbergianum* ab observatione discrepare gr. 1 scr. 8', in longitudine: in latitudine scr. 17': adeoque proximè eum accedere ad Observationem tuam & Calculum *Kepleri*, à qua reliqui ita exorbitant, ut ulteriori collationi non censem insistendum. Videmus etiam et si motum Absidum & Nodorum (quod in aliorum Theoriis merito requirit D. *Schickardus*) se junxerit clarissimus *Lansbergius*, nihilominus eum ipsissimam veritatem h̄c non assecutum, sed restare non nihil corrigendum in Theoria Mercurij. Quod ut à D. *Schickardo* exspectamus, ita merito nobis gratulamur hanc tibi observationem licuisse obtinere, quæ veluti basis totius correctionis operi subiecta, accedente consensu aliarum, verissimam tandem motuum Mercurij Theoriam poterit edocere.

Ac tantum de Observatione, pergo nunc ad ulteriorem tuum *Diseursum*, ubi primò occurrit inopinabilis Mercurij exilitas. Concessi suprà & totus in sententiam tuam ivi, Di-

Merc.
in Sole
p. 12. 12.

metrum

metrum Mercurij non majorem à te fuisse observatam scr.
20", tantamque revera in cælo exstítisse. Cum enim per
Telescopium observaveris, eādem reali apparentiā in illud
species Solis & Mercurij illapsa est, quā foris erat in cælo,
veluti sit in Eclipsibus solaribus circa Solem & Lunam: ubi
contrà, si per foramen observasses (quem modum *Keplerus*
mirè commen daverat, sed immerito) Diametrum Mercu-
rij notabiliter minorem verâ reperisses, aut in totum forte
perdidisses, uti contigit *D. Moglingo* Illustrissimi Hassiae
Landgravij Mathematico. Nec cogitandum, ex sententia
Kepleri in Tubo vitrum concavum inferius aliquam distorsio-
nem speciei Solis intulisse, eoque certiore futuram fuisse
observationem per foramen. Hæc enim opinio à veritate
aliena est, uti sufficienter in *Responso meo ad Kepleri Additiumculam* ostendi. Quod autem majoris magnitudinis exspecta-
tio ex opinione *Tychonis*, *Lansbergij*, tuaque observatione
 anni 1621 Octobris 20 quā *Mercurius videbatur aquari Arctu-*
re, tantopere tibi imposuerit, nihil mirum. *Lansbergius* enim
circā id tempus datis ad me literis, cùm sententiam meam
circā apparitiones Diametrorum Planetarum fixarumque
per Tubum requisivisset; egoque res mihi nondum planè
liquidas esse circā hunc modum observandi respondissem;
vulgarem eousque sententiam sibi imitandam decrevit, do-
nec certiora dies & astronomorum industria detegeret. Hoc
tamen in cautionem addidit, cum Diametros fixarum primi
honoris fecisset scr. 1', eas adhuc multo minores apparere per Tu-
bum opticum, *Vranometrie* pag. 130. Observatio autem tua
nihil aliud te credere jussit, quam Diametros Arcturi &
Mercurij visivas esse æquales, ac proindè cùm vulgo Arctu-
rum & fixas omnes nimis amplient Astronomi, etiam Mer-
curium ita ampliandum. Sed in rei veritate, longè alia est
Diametrus stellarum apparenſ quam vera. Etsi enim fixæ
primi

primi honoris, vel 2' scrupulorum oculis nostris judicentur, Telescopium tamen non 1' scrupulum tantum hinc aufert, ut censet D. Schickardus, sed eousque eas denudat, ut etiam Sirij diametrum præsentim pertenuem nubeculam inspectam (nam alioqui per Tūbum non omnes radios exuere videtur) non repræsentet majorem $\frac{1}{7}$ parte unius minuti, velut experiunti licet observare. Unde Mercurius etsi isto anno in se fortè non multo major fuerit scr. 10'', potuit tamen Arcturo æqualis videri ob intensam lucem & val. dam radiationem; neque opus est ut D. Schickardus Diametrum ejus retineat scr. 1'. Sed quia vir iste Mercúrium in se longè majorem fuisse censet quam tu observasti, & apparentiam ejus aliunde nititur excusare; non abs re futurum putq quæ pro extenuatione Mercurij à scr. 1' in scr. 30'' aut 20'' adfert, nullum habere locum, una opera me hic ostendere.

Primam igitur rationem desumit à proprietate lucis, quā circa obscurum corpus undique se dilatare solet si oculos in eam dirigamus, uti probat exemplo candelæ & baculi ei obtenti, ubi lux flammæ utrinque se insinuans, offert ocu-^{13.} lis baculum ea parte multò tenuiorem, quam partibus aliis ab utroque flammæ latere: atque eo modo vult diametrum Mercurij potuisse à te observari scr. 20'', quæ tamen re vera fuerit scrup. 60''. Sed quod pace viri dixerim, aliud sanè est umbram opaci adversus lucem positi intueri, aliud umbram projectam dimetiri. Tota enim lucis candelæ dilatatio pendet à præsenti intuitu oculi, habetque ortum ex dispositione humorum oculi & tunicæ retinæ, uti in scriptis suis passim monstrant Keplerus, Scheinerus, Galileus. Absque hoc locum nullum habet, teste experientiâ. Si enim oculum removeas, & umbram baculi ut in parietem incidit consideres, videbis eam aut parem ad sensum, aut aliquanto majorem esse, pro varia distantia. Itaque diver-

Responsi
Schickar-
di pag.
12. &
13.

fissima ratio est observationis tuæ & experimenti à Schickardo
allati. Mercurius enim per Telescopium admissus, umbram
projectit diametro suæ æqualem , aut forte exiguo quodam
minorem ob paritatem suæ sphæræ, prout mox videbimus;
atque ibi dilatatio ista lucis Solis, quæ eum à scr. 1° redi-
gere potuisset ad scr. 20°, non habuit locum : quam econ-
tra in visu tuo manifeste deprehendisti, quando per Tele-
scopium intuendo obscurum solum hiatum cuius frusta tentaria
cum diametro Solis comparationem; nudis autem oculis nullum
prorsus Mercurium, etiam per rariora nubila invenisti. Manet
ergo Mercurio diametrus à sensibili extenuatione libera
quantum observatio tua docuit scrup. 20°.

Alteram rationem capit D. Schickardus ab exigua globi Mercu-
rialis proportione ad ingentem globum Solis. Cum enim
notum sit ex Opticis, sphæram luminosam majorem sphæri-
cum opacum minus plus quam hemisphærio illustrare, idque
in Sole ac Mercurio merito locum habeat, existimat ille Mer-
curium hac ratione multo minorem seipso per Tubum fuisse
exhibitum, cum nihil de Mercurio in Sole possit videri, nisi
quod à lumine ejus est aversum. Ego ut verum fatear, initio
speraveram Mercurij exilitatē hac ratione posse defendi, et si
vel 2° sc, juxta Lansbergium poneretur diametro sua subtende-
re in longitudine media, sed postquam Geometriam in sub-
sidium vocavi, edo sum illuminationem Mercurij ultra
hemisphærium, nihil ad hanc apparentiam, etiam in ipsissi-
mo Perigæo, conferre, quod breviter sic ostendo. In sche-
mate esto semidiameter Solis A C D , semidiameter Mer-
curij BE, ducanturque lineæ, A B F per centra, D E F con-
tingens, C B parallela cum D E, ut C D æqualis fiat B E,
& E O I perpendicularis ad A F. Determinabitur ergo
pars illuminata arcu I S E, obscura residuo E Y I, eritque
excessus dimidiæ illustrationis S E ultra quadrantem S L,

Mercur.

in Sole

pag. 8.

Ejusdem

pag. 16.

in

in arcu L E, cui æquatur angulus A B C, quia cum A B L sit rectus, & rursus C B E, ablato communi C B L, restant æquales L B E & A B C. Invenitur autem is hoc modo. Ex Hypothesibus Lansbergij quibus Diametrum Mercurij in longitudine media facit scr. 2', datur B E semidiameter Mercurij partium 435, qualium semidiameter Terræ est 1000, & semidiameter Solis 7571: datur item distantia Mercurij à Sole A B partium earundem 677500. Aferatur ergo B E hoc est C D 435 ex A D 7571, eritque A C 7136: A B autem est 677500, fiat ergo in triangulo A C B rectangulo ad C, ut A B 677500, ad A C 7136, ita Radius 100000, ad A C sinum anguli A B C 1053, cui cedunt scr. 36' 12'', quantus etiam est angulus L B E. Hunc si auferas à quadrante L Y, erit medietas obscuræ partis Mercurij. E Y gr. 89 scr. 24'. Fiat ergo rursus, ut B E Radius 100000, ad E O sinum arcus E Y 99994, ita B E 435 ad E O 434². Tota ergo E I quæ est subtenſa peripheriæ obscuræ Mercurij in terris visæ est partium 869³, tota verò Diameter T L, quæ adhuc exhibet partes quasi illuminatas T I & L E, partium 870, æqualis priori ad omnem sensus subtilitatem. Minorem ergo Mercurium non præbet tantilla ultra medium globum illustratio, uti volebat D. Schickardus, sed eadem



semidiametruſ visa Mercurij etiam prorsus Perigæi colligitur ex distantia ejus à Terra in tali ſitu partium 821000, & latere B L, quæ ex eadem diſtantia & latere O E, ſcrup.

nimirum 1' 50", & tota Diametruſ ſcr. 3' 40"; Equan-
quam iſpa illustratio ultrà hemiſphæriū tum non fit
tanta, ac eſt alibi tamen neccic quidem ſenſibilis fit diſferentia.

Tertia ratio D. Schickardo petitur ab analogia Lunæ ad cæ-
teros Planetas: eique credibile eſt non totos obſcuros eſſe,
ſed in meditullio quidem habere opacos quaſi nucleos, ex-
trinſecus autem incrufiari veluti cortice pellucente: idque
probat exempluſ Lunæ, quaſe ſtellis appropinquans tardius
eas abſcondat, & recedens citius reſtituat quām pro ratio-
ne ſui motuſ: nimirum ob partes Lunæ exterioreſ magis
pellucidas, quām ſunt eaſ quaſe in fra ipſiſſimam deſcendunt
ſuperficieſ; quod ex obſervatione Meſſlini ad Martem &
Cor Scorpij anno 1595 conſiſmat, ita tamen ut experien-
tiae maturiori relinquentum cenſeat. Ego verò, ut expe-
rientiam veram ac ſolidam hic deſidero, ita partes Lunæ
exterioreſ interioribus eſſe tenuioreſ, non adeo ſecurè ad-
mitto. Eſſi enim in appulſibus Lunæ ad fixas, ſepiuſ idem
phænomenon mihi viſuſ ſum obſervare, potuit tamen ra-
tione oculoruſ contingere, quibus in contactu lucidoruſ
duorum corporuſ, & majori jure in contactu lucideſ ſtelleſ
& limbi Lunæ opaci, dilatatio aut contracțio lumeni valuit
officere: non aliter quām in Ecclipsibus Solis accidere teſta-
tur experientia: ubi quoties Luna totum fere Solem inter-
cipit, ſubito ſe contrahere videtur lumen Solis, ſi diameter
ejuſ minori angulo ſpectetur quam diameter Lunæ; ſin
econtra diameter Solis ampliori appareat angulo quam dia-
meter Lunæ, lumen Solis ſenſibiliter ſubitoque ſeſe dilata-
re: quod bene à Doctiſſimo Lansbergio animadverſum eſt,
& paſſim in Vranometria inculcatum. Quin & iſpa Lunariſ
orbi Phænomena luculenter crustam illam pellucidam vi-
dentur refutare. Nam ſi ea adefeffet, in Eclipsibus Solis ſem-
per Lunam circumſtaret & extra cornua Solis aliquantum
ſe ex-

se extenderet circa globum Lunæ, ob lucem Solis eousque continuatam; quod falsum est & experientia contrarium. Nam quod interdum flavus circellus circa Lunam videatur in medio disco Solis, ab aëre est nostro, non à Luna; ideoq; flavum colorem in inferioribus his passim oculis objicit. Adde quod in falcata aut bisecta Luna, lux Solis per hanc crustam notabiliter extenderetur ultra hemisphærium, quia pellucida ponitur & altior partibus Lunæ opacis; quod cum non fiat, consequens est illam quoque non adesse. Denique si crusta Lunæ exterior foret pellucida, tot nigerrimæ eminentiarum umbræ adeo præcisè ad accessum Solis sece contrahentes, ad recessum dilatantas, in bisecta Luna & ultra non observarentur; quia lux Solis per hanc crustam refracta, nullo negotio semper eas posset illustrare, aut saltem dilutiores reddere: id autem cum non fiat, sed æquè atræ semper videantur, concludimus crustam hujusmodi in Luna locum non habere, neque certam esse analogiam istam ad cæteros Planetas, uti credibile putat *D. Schickardus*. Quâ autem ratione Mercurij margines potuerint videri rariores, supra è sententia mea exposui.

Redeo ad exilitatem Mercurij. Et est sanè unum adhuc mihi argumentum pro Diametro Mercurij ad sententiam tuam diminuenda. Nam ex quo *Galileus*, *Scheinerus*, alijque artifices, Venerem in cornua abeuntem, quoties sub Solem se dimittit, observarunt, atque hinc rectè eam periodum suam circa Solem vertere concluserunt; in Mercurio, quantumvis optimis Tubis instruti, idem phænomenum non potuerunt animadvertere, de exilitate corporis disertis verb's conquesti. Probabile quidem dixere, Mercurium, quia orbi Veneris includitur, etiam circumire Solem, & supposito ejus globo intus opaco, easdem cum Venere faciei varietates experiri; sed neminem *aιλοψία* ipsa hoc docuit.

cuit. Qua de causa & ego Mercurium s̄epius Tubo ag-
gressus sum, ut vel minimā experientiā constaret, quod
rationibus & exemplo Veneris videbam comprobari: sed
frustra. Partim enim valida ejus radiatio, partim exilitas
corporis intra radios sese abscondentis, certi aliquid diffi-
cillimē permiserunt concludere. In Venere verò, cum jam
versus Apogaeum ascendit, dicti autores, egoque, manife-
stam gibbositatem ac postea rotunditatem observavimus:
certissimo argumento, Venerem tam longè à nobis remo-
tam, majori adhuc angulo spectari, quam videtur Mercu-
rius pene sub Solem positus, licet is validiori radiatione &
intensiore lumine oculorum aciem perstringat. Adde,
quod hoc anno 1632, Iulij 31, in conjunctione Veneris &
Mercurij (quam infra latius exponam) & postero die cum
longius distarent, Mercurium nudis oculis nequaquam
potuerim comprehendere in crepusculo matutino, Ve-
nere tunc satis clarē splendente: quod ipsum fieri nullo
modo potuisset si Mercurius scrup. r' in Diametro obti-
nuisset, aut saltem æquali angulo visus fuisset cum Venere,
quia longè vicinior erat centro Terræ. Patet ergo, non
frustra tantam exilitatem Mercurio abs te assignatam, ne-
que (ut existimat *D. Schickardus*) ob nucleus pellucidum
majorem eum apparere à Sole remotum, quām apparuit tibi
in ipso disco Solis: quod & ipse ex observata Veneris Mer-
curijque conjunctione aptè convinces.

Secundum in Discursu tuo notatu dignum, est Mercurij
opacitas. Hinc enim omnino mirari subit quo pacto tantu-
lum Mercurij corpus, idque opacum, sub tam illustri alias
radiorum mole oculis nostris se ingerat. Quām vegetam ac
densam Solis illuminationem hic esse oportet, quāmque
aptam Mercurij superficiem ad reflectendam lucem illa-
psam? Profecto aptissimā: ut vel hinc verum esse comperia-
mus,

mus, Planetas quo soli sunt viciniores, hoc pleniori lumine resplendere; quod olim censuit & in lucem primus protulit Galileus. Sed & majora hinc eruere licet. Nam ut haec tenus Astronomi è phasibus Veneris, & Eclipsibus Solis, addo etiam Planetarum Iovialium si Galilao & Scheinero credimus, recte concluderunt, corpora horum Planetarum, Veneris puta, Lunæ, & Iovis, esse opaca, qualis hæc nostra est Terra; de Saturno autem, Marte & Mercurio, non nisi probabili conjecturâ idem asseruere: ita tu experimento tuo besti nos, qui Mercurium opacum per totum suum globum conspectu omnium exponens, non ultra dubitare finis, quin ut Planeta tam excellentis luminis, totum tamen id mutuatum obtinet, ita simili ratione aliorum languidiores luculae, ab eodem fonte, Sole scilicet, emanant; iisque in se considerati corpore sint prorsus obscuro. Deinde, certum est Mercurij cursum jam non supra Solem sed circa cum ordinandum, ut is modo supra Solem incedat, modo infra se dimittat. Evincit id observatio tua manifestissimè: qua nunquam id obtinere licuisset, si Mercurius corpore prorsus in se lucido comparuisset sub disco Solis. Aut enim nullam fecisset umbram, aut adeo dilutam, ut certò à te non potuisset animadverteri. Denique & hoc mihi in mentem venit: fore, ut nonnulli sententiae Maestini de illuminatione Lunæ novæ à reflexo lumine Solis è globo terrestri, aquiores posthac se præbituri sint, cum videant Mercurium adeo opacum, tam intensam nobis revibrare lucem Solis. Si enim totum Terræ discum à Sole illuminatum sub tantillo angulo contingenter eos inspicere; pene jurare ausim, eodem modo in numerum stellarum aut Planetarum eam recepturos, uti nunc recipiunt Mercurium extra conjunctionem cum Sole conspectum. Adeo quippe materia reflexioni apertissima, & lux Solis per latum diffusa discum, cōque advīsum

sum nostrum h̄ic debilior, tantum splendore ac densitate jam reflexa proficeret, quantum decresceret angulus visio-
nis disci terestris in oculo spectatoris. Quanquam & alia
argumenta idem suadeant, velut apud *Meslinum*, *Keplerum*,
ac *Galileum* videre est.

Mercur. *Terium* est, quod *nihiljam cunctandum putes, quin longè am-*
in Sole plius ex apparenti siderum magnitudine, quam credi potuisset, demen-
Pag. 13. *dum occurrat, cùm multo minora sint quām appareant.* Nimi-

rum ex comparatione ad Diametrum Lunæ, & ex erran-
tium atque affixarum stellarum nonnullo lumine adventi-
tio, per Tubum opticum adhuc conspicuo, nondum tibi
satisfacere potuisti quantæ iis Diametri sint assignandæ.
Mercurio verò circino se mensurandum præbente, nullum-
que lumen adventitium secum vehente, certius concludere
licuit, *nimiam tum illi, tum cæteris sideribus magnitudinem, ob cir-*
cumfusam lucem affingi. Ita sanè est *Gassende sagacissime.* Mul-
tum restat demendum ex apparenti Siderum magnitudine
quæ de nocte nudis oculis observatur, & quæ passim tradi-
tur ab Astronomis: plus tamen è Diametro oculis notata,
quam observata per Tubum opticum. *Quod si instar So-*
lis, Lunæque, Diametros Planetarum, Fixarumque, per
intromissam speciem, & cis Telescopium in tabella exce-
ptam metiri liceret, non diu laterent Astronomos veræ ea-
rum quantitates: nunc quoniam per Tubum inspecti ple-
rumque comparatione solum inter se, aut cum distantias fi-
xarum, æstimantur; non mirum est, pro diversitate oculo-
rum ac Tuberum, observantiumque varia peritia, alias at-
que alias Diametros iisdem assignari. Lubet hic latius tec-
cum expatiari, dictaque tua atque observata paulò accura-
tius excutere, ac tum quid ipse diuturnâ experientiâ didi-
cerim, paucis subjungere. *Quod igitur asseris Lunam cùm*
pleno orbe lucet, majorem æstimari nudis oculis, quām
cum

cum deficiens versatur in umbra Terræ: item, majoris ambitus censeri partem lucidam in corniculata Luna, quam partem obscuram ipsi contiguam, experientia probat esse verum: sed quod ab aëre Lunæ hoc fiat, aut crassiuscula aura ^{Ejusdem} corporibus Planetarum circumfusa, quæ imbibito splendo-^{Pag. 13.}
^{Ci. 14.} re sic resulgeat, ut molem corporum Planetarum exhibeat majorem, mihi non usque quaque probatur: cum præter ea quæ supra adversus aerem Lunarem dixi, sola hujus appentiæ causa videatur quærenda aut in aere nostro, aut in oculis. Nam ut per singula decurram, docet experientia, Lunam novam per Tubum observatam neutiquam exhibere ambitum lucidæ partis majorem quam partis obscuræ, velut appareat nudis oculis: & absque Tubo, si oculum aut vitro colorato, aut lamellâ foramine pertusâ munias, aut solummodo aliquantulum oculis conniveas, falsum istud lucis incrementum quam proximè evanescere. Eodem modo si Lunam plenam per Tubum, aut oculo ut prius munito, inspicias ante Defectum, deprehendes æqualem proximè ambitum ostendere ac in ipso Defectu: aut si mavis, inspice Lunam ex parte deficientem; censembitur nudis oculis pars lucens majorem ostendere arbitum, pars obscura minorem, sed per Tubum profrusus æqualem. Denique Planetis cæteris, si nudis oculis de nocte eos observes, videbis multos radios adventitios circumfundi, si vero per foramen inspicias, nonnullos radios auferri; si per Tubum, longè plures detergi & globos apparere ferè calvos, pro varia scilicet eorum luce ac radiatione: in crepusculo aut etiam de die inspectos per Tubum, omnem radiorum adventitorum turbam deponere. Hæc adeo vera sunt, ut à nemine cum ratione possint negari. At vide quæsto, si ab orbe vaporoso corporibus Planetarum circumfuso tantum luminis fiat incrementum, cur id non æquè per Tubum est conspicuum ac

nudis oculis, cum Tubus distinctius omnia exhibeat, quæ prius oculis erant inconspicua, uti patet ex apiculis & nigris umbellis Lunæ semiplenæ? Cur in deficiente Luna pars lucens per Tubum non censetur longè majori ambitu terminari quam pars obscura, cum aér Lunæ versetur in splendidissimo lumine Solis? Cur Tubus augens ipsissima Planetarum corpora, non etiam auget vaporosum orbem reipsa lucentem circumcirca? Cur denique oculis conniventibus evanescit hæc luminis Lunarum diffusio, apertis augetur? Profectò si realis orbis lucens Planetis circumfunditur, nulla causa est cur diversitas ista circà inspectionem corporis Lunarum adeo manifestè fiat conspicua, tam parum variato modo videndi, si verò oculo & tenebroso ac vaporoso noctilio aeri culpam fallaciæ adscriperimus, statim in promptu erunt ipsissimæ hujus rei causæ. Nam quod Luna judicetur majorem ostendere nudis oculis ambitum in parte lucida quam in obscura, quodque Planetarum moles tantopere augeantur, partim ab aëre est, partim ab oculo. In tenebris enim dum versantur oculi & aer, videtur nobis pars aeris Lunæ & Planetis ad visum proxima eadem luce collustrari, & eorum limbi in tunica retina quasi confunduntur cum luce aëris, ob nimiam lucis & tenebrarum oppositionem in oculo; per foramen autem, aut per Tubum, aut etiam in crepusculo, cum lux eorum parcior intrat foramen pupillæ & retusior, at habet ab aere nostro illustrato intus in retina partes circumvicinas non multum sibi dissimiles, non potest tam fortem impressionem in oculum facere, neque tam validè se dilatare. Atque hinc etiam in eclipsi Solis Defectus minor semper judicatur nudis oculis, quam per Tubum aut vitrum coloratum, & foramen. His adde quod concursus radiorum horum corporum post crystallinum diversi & inæquales, sive pro diversa distantia, sive pro diversis Tubis, sive deni-

denique pro diversa radiorum per foramen decussatione, sincerius aut magis confusè sese imprimant in retinam, & sic vario modo cernantur augeri ac dilatari. Vnde certum est per diversas Tubi apertiones, diversa quoque quantitate spuriorum radiorum Planetas spoliari; sicut huic quoq; homini aliâ mole se dilatare cernuntur per eundem Tubum, quam illi, ob diversitatem oculorum. Adde item variam aëris nostri consistentiam. Prout enim aut serenus est aut vaporibus plenus; ita lucem Siderum adscitam, in oculis nostris aut majorem facit aut minorem. Quin adeo promptus est ad promovendam lucis in oculis dilatationem, ut & obscuris apud nos corporibus splendidos circumjiciat circulos. Videbis id si latere facias Solem aut Lunam post corpus opacum, puta parietem, caminum, aut simile: nam longè latèque diffundetur lux in superiori aëre, sed ita ut margines corporis obscuri candidissimi & quasi pellucidi appareant; adeoque affirmabis, penè pellucido & aërio cortice prorsus contiguo circumfundi. Quod non aliunde est, quām ab aëre nostro crassiusculo & hallucinatione visus, qui putat corpori opaco lucidum aërem esse contiguum, qui tamen longe satis ab eo distat.

Exemplum nocturnorum ignium quod attinet, non probare videtur astra augeri ob crassiusculam auram circumfam splendescenteim. Nam quod candelæ de nocte maiores appareant quām revera sint, non est ab aëre iis vicino illuminato, ut existimas, sed ab oculis nostris. Non quod aërem vapidum à luce candelæ nullatenus illuminari posse atferre velim, sed quod rationibus probari queat, ob aërem circumfusum quem ne lynceus quidem à flamma discernat, candelæ molem in visu non augeri. Si enim incrementi causa foret aër illustratus, sanè pyramidales appareret candelæ de longo, quales in se sunt, quia pyramidaliter aërem circumvicinum



Iambunt & illustrant. At contra apparent sphæricæ, idque magis quo abfueris longius, ergo causa incrementi non est ab aëre illustrato. Deinde, in vicinia oculorum aër illuminatus melius cerneretur quā n. in situ remoto: magis enim afficit oculum lux vicinior quam remotior, & caveri potest ne lux ipsius candelæ eam obruat objectu lamellæ: at hoc non sit, non est ergo aër causa incrementi candelæ Denique si aër illuminatus augeat candelam de longinquō, augebit etiam inspectam per Tubum opticum; at illud non continet: Tubus enim candelam nudam aspicit & non majorem quā alia objecta in eadem distantia ab oculo, causa ergo incrementi candelæ quærenda non est in aëre illuminato. Vbi ergo? In oculis nostris. Ut enim Venus quamvis tenuissimo cornu luceat, rotunda videtur & ingens; ita & cedula de longo inspecta, ob diversum radiorum in oculo concursum & tenebras nocturnas, lucem latiorem & spar gere videtur, quā in se possideat, & quidem in varias strias divisam, nunc maiores nunc minores, prout aër humidus tunicam corneam alio tempore aliter afficit ac tingit. Rotunda autem apparet, quia ob ingens intervallum omnia ejus puncta confusè in retinam radiantia, rotundum transeunt foramen pupillæ, sicut & asserit P. Scheinerus lib. 3. de Oculo, part. 2. cap. 6. Non ergo ob radios corporibus Planetarum circumfusos, statim concludendum est, crassam auram eis ita circumfundī, & à luce eorum illustrari, ut speciem exhibeat majoris molis. Nam si hoc procederet, variam singulorum molem elicerem ē variis apparentiis; quum humidis & lachrymantibus oculis maiores appareant, siccoribus minores: lippientibus verò & iis qui remota indistincte vident, immensum excrescant, uti notum de Keplero, cui Canis major radiis suis excurrere solebat ad magnitudinem disci Lunaris, ipsomet teste in Dissertatione cum Galileo. Quibus omnibus

bus probè expensis , ratum esto , Planetas fixasque longè quidem majores apparere quàm revera sint , sed apparere tantùm ob aërem nostrum , nostrosque oculos : in se vaporous orbem non habere circumcircà illuminatum . Verè quoque existimarit Epicurus , astra minora esse in se quàm nobis videantur , immo incomparabiliter minora quàm haec tenus Mathematici declamarint : neque aut Aristotelis censuram metuat , aut ad Kepleri confugiat suppetias , cujus viri inconstans circà distantiam Solis à Terra , & Planetarum Diametros , tam habemus perspectam , ut nullum isthinc auxilium veniat ipsi exspectandum .

Porrò quod Telescopium non omnes radios adventitios stellarum absindat , non aliunde est , quàm à forti earum radiatione , parvitate corporis , & tenebris nocturnis . A forti radiatione , ut in fixis , Marte , & Mercurio ; in quibus & parvitas corporis facit ut nunquam exactè rotundi & calvi , sed semper hirsuti compareant . In Iove autem , Saturno , & Venere , minus id locum habet , præsertim cum Perigæi majorem corporis molem nobis objiciunt . Tenebræ nocturnæ faciunt ut stellæ in oculis nostris pluribus & longioribus falsis radiis in orbem excurrent , qui prout lux diei magis aut minus supervenit , minuuntur aut intenduntur : unde in crepusculo certius per Telescopium inspicimus fixas quàm de nocte ; & Planetas proximè nudos intuemur ac bene terminatos . Interim falsi isti radij ipsam molem Planetarum per Tuberum de nocte observatam nullatenus augent : in crepusculo enim observati Iupiter , ac Saturnus , de die Venus , neutraminorē censemur obtainere Diametros quàm nocte in profundissimis tenebris ; quod sèpius expertus sum . Hoc solum in Venere observavi Anno 1625 , quod etiam per Telescopium lucem suam latiorem referat versus partem opacam de nocte quàm de die , hoc est , quod pleniùs illu-

strari putetur è tenebris nocturnis inspecta, quām ex luce diurna: adeò que & extrema cornua obtusa ostendat, planè uti solet Sol deficiens, aut Luna nova oculis liberis inspecta post dilapsam crepusculi claritatem. Id autem ab intensa Veneris luce respectu tenebrarum factum fuisse, & in tali situ semper fieri, nullum est dubium: & suboluit idem ex parte Scheinero in *Disquisitionibus Mathematicis* pag. 77, ubi testatur, *Venerū post Quadraturam secundam cornua valde obtusa & hebetia offerri, paulatim deinde in tenuiores apices fastigiari, donec acutissima sint*. Causam verò non addit, quia apparentiam istam adventante die magis magisque tolli, tum fortè nondum observaverat. Nostra observatio sic habet ad diem 18 Augusti 1625. *Mane horā 2 $\frac{1}{2}$ Venus splendebat stupenda magnitudine, sed mediocri scintillatione: spirabat Zephyrus fortis & subinde nubes ingerens. Luna plena fulgebat clarissimè. Inspecta per Tubum Venus tanto cincinno circumdata erat, ut difficulter possem dignoscere quantitatem partis luminose. Videbantur tamen cornua valde obtusa & lumen incurvatum: illustrati Digiⁱ 4. Idem factum horā quartā. Subtercurrente tenui nubecula estimavi deficere Digiⁱ 3 $\frac{1}{2}$, restituta Venere radij vibrabantur versus partem obscuram adeo densi, ut ea clare discerni non posset. Horā 4 $\frac{1}{2}$ cum nudis oculis nihil videretur radiorum seu come adventitiae Veneris, videbantur tres Digiⁱ esse in lumine. Horā 5, orto jam Sole, & porrò ad meridiem usque, non plures ostendebantur Digiⁱ quām tres, erantque cornua acutissima & lux non adeo incurvata ac horā 4. Ceterum eadem fuit Diametrii per cornua ad quamvis horam totius observationis. Addo schema.*

Hora 2 $\frac{1}{2}$
matutinā.



Horā quintā
& porro.

Vides

Vides ergò Doctissime *Gassende*, lucem quidem Veneris latiorem reddi versus partem ejus opacam noctu quā interdiu, Diametrum autem per cornua eandem utrobiq; ostendi adeoq; si cui nocturnę istę radiaturę ob propriam oculorum dispositionem nimium officiant, eum liberę ad observationem diurnam confugere posse; quando radii adventitii adeò densi non sunt, ut visum decipient aut impedian. Sic enim Iupiter post ortum Solis sāpe mihi observatus, prorsus glabrum objecit globum, neque minorem ostendit Diametrum quā in tenebris nocturnis. Ita fixarum moles visuntur ut proximē sub legitima magnitudine, cū de nocte penè impossibile sit earum corpuscula bene terminata per Tubum conspicere.

Atque ita fallaces Planetarum fixarumque quantitates consideravimus, earumque causas, ut spero, genuinas assignavimus: restat ut tecum de remediis cogitem, & modum inquiram, quo per verarum quantitatum investigationem quantum demendum sit de magnitudine apparente certò liceat cognoscere. Priusquam autem rem ipsam aggrediar, necessarium existimo, in proprietates quasdam Tubi Dioptrici paulò altius inquirere, ac dein dubia quædam tua removere; tum ut quid à Tubo exspectandum sit pateat, tum ut ad veram diametrorum Planetarum quantitatem tandem deveniamus.

Proprietates Tubi Dioptrici.

Primò igitur, licet evincat demonstratio Geometrica, Pro objecta viciniora majorem requirere Tubi distractio prietas nem, remotiora minorem, propterea quod lens convexa brevioribus conis cogens radios objecti remotioris per 41 *Dioptr. Kepleri*, longioribus vicinioris, facit ut plus ipsa debeat.



beat removeri à concavâ ad intuenda propinqua, quâm ad inspicienda remota; non tamen locum habet hæc Tubi Optici affectio in observatione Siderum cælestium; sed ad omnem sensus subtilitatem Luna, fixæ, & Planetæ cæteri, eandem patiuntur Tubi distractionem. Nam etsi Luna longè nobis vicinior sit Planetis aut fixis, quia tamen in tantum removetur, ut à singulis ejus punctis in vitrum convexum paralleli incident radij; Planetæ vero & stellæ remotiores, majori adhuc jure parallelos radios emittunt; evidens est, ob similem incidentiam (cum circâ objecta etiam diversimodè remota, ultra radiorum Parallelismum non detur ascendere) eundem omnibus debéri radiorum concursum, ac proinde eandem Tubi diductionem. Et probat Experientia. Luna enim & Sol per Tubum intromissi, distinctam sui speciem pingunt in opposita tabella: & quibus lani ac vegeti sunt oculi, iij sub eadem Tubi apertura tam Lunam quâm Planetas fixasque distinctè inspiciunt. Dico quibus vegeti sunt oculi: nam etiamsi per se affectio hæc Tubi sit verissima, non statim tamen omnibus circâ Lunam & fixas se offert; quia fieri potest ut myopibus aut debilitoris visus hominibus, ipsa lux Lunæ aut Solis humorum & retinæ situm ita disponat, ut non ipso actu quo fixas distinctè viderint, sub eadem Tubi diductione distinctè quoque videant Lunam, & viceversa. Qui autem fortis sunt vi-sus, quia promptissimè se accommodat oculus ad omnem visionem, distinctè tam Lunam quâm alios Planetas, Tubo æqualiter distracto, intuentur.

Secundo, etsi in objectis nobis vicinis, verissimum sit, ea que majorēm requirunt Tubi distractionem (nempe propinqua) majora apparere ijs quæ requirunt Tubi diductionem minorem (qualia sunt remota) licet oculo nudo, aut per Instrumenta Astronomica, sub eodem planè angulo videantur;

neu tî-

neutiquam tamen id valet in Cælo : sed quæ inibi apparent sub eodem angulo, in se quoq; per Tubum videntur æqua-
liter augeri. Nam quod in objectis nobis vicinis discrimen magnitudinis animadvertisatur, id hinc sit, quod extrema objecti prioris, et si in eadem linea sint cum extremis ob-
jecti remotioris, nihilominus longioribus penicillis concur-
rentia, communem basin sub majori à vitro convexo di-
stantia sistant in concavum, ideoque majorem patiantur di-
latationem. At in Cælo, quando Sol, Luna, & distantiae binarum fixarum sub eodem videntur angulo, ideoque ex-
tremitates Diametrorum sunt in eadem linea recta; quia pa-
rallelis omnia puncta radiis incident in vitrum convexum;
ejusdem longitudinis conis, & in eadem distantia, commu-
nem basin sistent in concavum, ac proinde similem requi-
runt Tubi diductionem, videnturque oculo æquè magnæ.
In se, ut dixi, hæc prorsus sunt verissima. Nam quod non-
nulli dicant, Lunam quia nobis vicinior est, plus augeri
quam distantias fixarum ; aut falsum est per Proprietatem I., aut sic intelligendum, quod discus Lunæ, præfertim ple-
næ, turgidiusculus in oculum incurrens, non omni adven-
titio lumine spolietur ; idque pro varietate aëris atque ocu-
lorum alias magis alias minus conspicuum fiat : sic enim
aliqua oriri potest diversitas. At Lunæ novæ, aut totali im-
mersione affectæ in Eclipsibus, Diameter eodem angulo
spectatur quo distantia binarum fixarum ei æqualis, tam nu-
dis oculis, quam per Telescopium ; ut expertum me me-
mini in Eclipsi Lunæ Anni 1631, 8 Novemb. quando in me-
dia obscuratione Diametruis Lunæ colore flavo satis conspi-
cuæ, tam per Tubum eodem situ distractum, quam nudis o-
culis, videbatur æquari distantiae duarum B & D in Plejadi-
bus. Ita cernuntur Sol & Luna per Tubum intromissi, & in
oppositâ tabellâ excepti, foris autem Radio aut alio Instru-

mento mensurati, si æqualem angulum subtendant, æquali quoque mensurâ repræsentari, si diversum diversâ, sed in eadem proportione in specie, cuius oculo apparent in Cælo. Id quod quotidiana docere potest experientia, egoque cum alias tum præsertim in Eclipsi Solis 1630, luculenter deprehendi.

Pro-
prietas
III.

Tertio, quanquam Diametri Solis & Lunæ, necnon distantiæ fixarum, circâ Horizontem nudis oculis longè majores appareant, quam in medio Cæli, aut circâ per Tubum tamen intromissæ aut oculari inspectione observatae, eandem utrobique occupant magnitudinem. Intellige autem Diametros Solis ac Lunæ & distantias fixarum Horizonti parallelas, non secundum circulum Verticalem, ubi ob Refractionis diversitatem apparent minores. Sic Diametrus Solis transversa in Ellipsum horizontalium observatione non major deprehendetur, quam in ipso Meridie: sic Luna & stellarum distantiae æquali magnitudine assiciuntur per Tubum circâ Horizontem & in medio Cæli. Causa vero istius apparentiæ est, quod incrementum illud quoad nudos oculos sit purum putum æstimationis nostræ accidens, non vero realiter in Cælo compareat. Nam revera angulos aut quantitatem suam non mutant, ut per Instrumenta Astronomica licet observare: sed quia Cælum longius à nobis putatur distare in Horizonte, ob longissimum Terræ tractum interjectum, in medio autem Cæli videtur vicinus quia nihil ei interjici ur, apparent quoque stellæ majores in Horizonte quam in medio Cæli; cum eorum quæ sub eodem angulo videntur, quæ longius priuantur abesse, majora apparent, quæ proprius, minora. In Telescopio alia res est. Id enim hallucinationem judicii nostri emendans, non aliter stellarum distantias Luminariumque Diametros repræsentat, quam prout in illud incident: incident autem æquali proflus

prorsus angulo in Horizonte quo in medio Cæli, per observata Astronomorum; non mirum ergo, Diametros Solis ac Lunæ, distantiasque fixarum, maiores apparere nudis oculis circà Horizontem quam circà medium Cæli, per Tubum verò Opticum discrimen nullum animadvertis.

Et hinc jam nascitur *quarta Proprietas*. Quia Tubus et si Pro-
stellarum distantias, Planetarumque Diametros, semper au-
geat, interdum tamen minores exhibere putatur quam nu-
dis oculis appareant; atque ita non augere magnitudinem
visam, sed potius minuere. Nam si Tubum habeas qui Lu-
nam aut distantiam duarum stellarum ei æqualem ita au-
geat, ut appareat magnitudine unius cubiti; ista autem nu-
dis oculis circà Horizontem ad duorum cubitorum longi-
tudinem videatur excurrere; quia Tubus Opticus eandem
magnitudinem oculis offert in Horizonte quam in Meri-
diano; nonne judicabis eum magnitudinem visam mino-
rem exhibere quam oporteat? Ita sanè. At si stellæ aut
Luna Meridianum occupent, & visu simplici videantur ex-
currere ad $\frac{1}{2}$ cubiti, vicissim dices, Tubum magnitudinem
visam plurimum augere. Et si rursus stellarum duarum di-
stantiam quæ sit $\frac{1}{2}$ Diametri Lunæ, in medio Cæli aspicias;
Lunam verò circà Horizontem observes; videbitur ea nu-
dis oculis ne $\frac{1}{4}$ quidem Lunæ partem occupare: at per
Tubum Opticum frustra distantiam eam quater ex Dia-
metro Lunari exiges; cum hæc illius observetur tan-
tum dupla. Causa hujus rei non alia est, quam quod Tubus
magnitudinem realem augeat prout potest, tam in Hor-
izonte quam alibi, per Proprietatem III; oculus verò aliam
atque aliam magnitudinem visam sibi imaginetur, pro di-
verso situ. Ideoque remedium unum hic est, si Lunam &
fixarum distantiam observemus in eadem supra Horizontem

altitudine: tunc namque proportio visæ distantiæ ad Lunæ Diametrum visam, eadem est, quæ distantiæ per Tubum inspectæ, ad Diametrum Lunæ per Tubum observatam: hac quidem cautione, ut aut Lunam in Deliquio versantem sumamus, aut oculos lamellâ vitrove colorato muniamus, ne nimia lux Lunæ, præsertim plenæ, proportionem distantiæ stellarum, Lunæque, visam, interturbet.

Proprietas in observationibus Tubicis versanti sub manibus nata est:

V. videlicet hanc. Quod etsi Telescopium objecta quælibet non aliâ magnitudine exhibeat in tenebris aut debili luce, quamquam quâ exhibet in luce clara ipsoque meridie; de nocte tamen aut in debiliori luce, plus sub eadem distractione comprehendatur de objecto, quam interdui aut ad lucem clariorem. Ita contigit mihi sæpius, Solem nubeculâ retusum Tubo insigni ægerrimè, refulgentem neutiquam comprehendendi; cum tamen Lunam novam sub eodem angulo conspicuam de nocte facillimè caperem, superstite adhuc bono spatio circumcircâ, quod aliquando ad $\frac{1}{4}$ diametri Lunæ videbatur extendi. Ita in Deliquio Lunari, ante initium Luna pleno orbe nitens, pene totum implere Tubum judicata, in mediis tenebris sub eadem proximè magnitudine quam prius comparens, visa est aliquot Digitos circumcirca relinquere. Ita denique, eadem Luna cum plenè lucet, plus putatur Tubum implere, quamcum atriori tegitur nubeculâ: item de die aut in clarissimo crepusculo inspecta, quam sub initium tenebrarum. Nam 22 Augusti Anni 1632, vesperi horâ 8, Luna comprehendebatur Tubo, superstite undique Digeito uno & amplius: de die Tubum implebat, Sol aliquatenus excedebat. Quæ cum initio mira mihi viderentur, antequam ad causæ investigationem descendenter, aliâ quoque viâ veritatem Phænomeni die sequente inda-

indagavi. Retentâ nimirum certâ Tubi diductione, eâdemque obiecti ejusdam, nempe parietis aut tecti, distantia; vidi quantum ipso meridie per Tubum uno intuitu comprehenderem. Id tantum erat, ut adhibito Radio Astronomico, ab eodem intervallo, subtenderet in Transversario particulas 20 qualium Index erat 2000, tangentem nempe scr. 34' ¹. Sub horam autem nonam vespertinam, Tubo versus easdem objecti partes directo, tantum jam comprehendebam, ut Radio mensuratum præberet particulas 26 in Transversario, tangentem nempe scrup. 44' ²: quo peracto indubie conclusi, Tubo Optico plus de nocte comprehendri quam de die, licet visæ objecti partes incrementum nullum sentiant.

Quod ad causam phænomeni attinet, ea, me judice, non in Tubo sed in oculo est. Tubus enim tantum de magnitudine objecti, eodem modo incidentis sive in luce sive in tenebris, transmittit, quanta per utrumque vitrum radiare potest sine impulsu ad latera, aut diaphragma pertusum quod in plerisque Tubis invenitur; ideoque simul cum eadem quantitate eadem numero partes objecti, post Tubum fere sistunt. At superveniens oculus, communem istum conum ex omnium totius objecti punctorum penicillis compositum, per refractionem in cornea tunica immutat, tantumque de eo intromittit, quantum per foramen uveæ transire potest, reliquum circumcircum impingit in latera uveæ, nec transitum invenit ad retinam. Id ergo foramen, si in ejusdem objecti inspectione sensibili differentia; aperiatur aut contrahatur, plurimum quoque partium aut pauciorum penicillo transmittit, & sic plus minusve de objecto videri facit. Vis dicam clariss? Visibilium punctorum per Tubum radiantium penicilli non omnes corneam attingunt, & attingentium plurimi non ita occur-

runt corneæ, ut totam ejus superficiem occupent, sicut fit in visione directâ; sed beneficio decussationis ante vitrum convexum singuli versus eam tendunt plagam, ad quam à suis punctis versus oculum cerebantur. Nam si omnes cornream attingerent, aut totam occuparent, totum ferè hemisphæriū conficeretur per Tubum, quod non fit. Quocircà cum alligati sint penicilli ad certas partes corneæ, beneficio refractionis ita coguntur intus, ut si foramen uveæ transitum concedat, radient in profundum; si minus, impulsu in uream facto, maneant inconspicui. Nec tamen vilorum punctorum magnitudines ideo immutantur. A penicillis enim qui transire possunt, sive aliqui radiis absindantur, sive toti transeant, modò ne toti intercipiantur, eadem sit visio: quod & in vitro convexo Tubi, toto, aut qualibet ratione tecto, licet intueri: omnia enim objecta eâdem magnitudine per id radiant. Atque hinc jam patet ratio, cur cùm longè plus per Tubum radiet quam diameter Solis, oculis tamen inspectus ægrè tantum se conspicendum præbeat; de nocte vero, etiam plus comprehendatur circà distantias stellarum quam est diameter Solis. Lux enim intensa ita coarctat foramen uveæ, ut non omnium ejus punctorum visio fieri queat, sed eorum duntaxat, qui beneficio refractionis per tantillum foramen transire possunt: per nocturnas autem tenebras, foramen laxius factum, plurium punctorum penicillos intromittit; & sic ob debile stellarum lumen, majorem earum distantiam oculus potest comprehendere quam est diameter Solis. Manifesta item est ratio, cur Luna ante Defectum pene implere Tubum videatur, in Defectu vero, satis multum superfit. Aut cur Luna de die & in claro crepusculo, interdum vix Tubo comprehensibilis, sub noctem non comprehendatur tantum, sed & partem satis magnam circumcircà

circà relinquat liberam. Item cur spatium per Tubum comprehensum, Lunâ splendente videatur contrahi, nubeculâ tectâ, dilatari: tota enim harum apparentiarum ratio pendet à varia foraminis uveæ magnitudine.

Verum enim verò si quis his non contentus, rationem à nobis allatam minus veram judicet, cùm videat in objectis nobis vicinis sive à Sole illustrantur sive sint in umbra, easdem proximè partes per Tubum comprehendendi: sciat is, in observatione diurna, cum oculi ad lucem diei in aëre & parietibus jam assueti, pene eodem modo foramen uveæ dilatant, sive partes objecti umbrosas intueamur sive illustratas, non adeo sensibilem esse hanc discrepantiam: sed si easdem partes intueamur de die, & sub noctem, statim notabilem differentiam inveniri, ut supra notavimus. Aut si hoc nolit, intueatur è luce diurna parietem candidum, & è loco absculo parietem umbrosum, videbit differentiam aliquam oriri inter utramque Tubi comprehensionem. Aut denique, inspiciat objectum aliquod per Telescopium, & mox lamellam pertusam foramine lentis aut milij inter oculum vitrumque cavum ita collocet, ut medium coni radios foramen transeat; videbit satis magnam partem objecti antea comprehensi undique resecari, remotâ verò lamellâ denuo restituui: non alia certè de causa, quām quod lamella plurimorum punctorum penicillos intercipiat, & non nisi paucos in corneam transmittat; unde et si maneat eadem foraminis uveæ apertio, nihilominus pars objecti circumabsissa, necessario in retinam nequit penetrare, ac se pingere. Et hinc quoque breviter ratio petitur, cur vilioribus Tubis plus videatur sed sub minori angulo, melioris nota inminus, sed sub angulo majore. Nam quia Tubi minores & viores strictiori cono objectum transmittunt, maiores verò & meliores laxiore, sit ut plurium punctorum

rum penicilli ipsam corneam aut foramen uice præterlabantur ad latera in Tubis majoribus; qui per minores magis inter se coacti, non se solum melius in corneam & foramen uice insinuant, sed interdum aliis sibi vicinis locum faciunt in corneam similiter radiandi. Plus ergo hac ratione de objectis intuemur per Tubos viliores, quam per optimos: sed & sub minori angulo: nam quia penicilli punctorum objecti visibilis, plus divergunt in Tubis majoribus quam in minoribus, visionem quoque eliciunt latiorem.

Merc. in Sole pag. 43. His præmissis deveniam ad dubia tua, & saltu facto transibo ad Occultationem Martis à Lunâ abs te observatam, pag. 43. Dubitas ibi primò, num Diameter Lune sit minor quam vulgo habeatur: sed meo judicio immerito. Eclipsum enim Solarium ac Lunarium consensus, præbet Lunæ plenæ aut novæ Diametrum in Apogeo scrup. 30', quanta etiam observatur per Instrumenta Astronomica & Telescopium. Ita ut rudiori potius æstimationi moræ Martis post Lunam, quam accuratae observationi, transcribendum veniat, quod Lunæ Diametrum minorem quam vulgo fertur suspiceris: ipse enim ambiguus postea subjungis, & dev. $\delta\epsilon\zeta\omega$. Dubitas ibidem secundo, an dum Solis ac Lune Diameter dimidi gradus vulgo putatur, eadem Telescopio apparens sit etiam pars vigesima supraseptingentim totius circuitus Caeli: partim quod revera aliquid etiam ex utroque Luminari resecetur, & ex Luna præsertim dum observatur extra Eclipsin: partim quod alias distantiam inter equum secundum & insidentem ei equitem in ursa majore, cum Diametro Lune comparanti, res non satis successerit, cum talem distantiam exigentes toties ex Diametro Lune quoties ipsa juxta vulgarem estimationem præferebat. Sed & hæc dubitatio videtur minus justa. Nam quia Luna Instrumentis observata, aut cum fixis æqualem ejus diametro distantiam obti-

obtinentibus comparata, invenitur subtendere in Apogæo
2 gradus, per Telescopium autem inspecta prorsus æquari
distantiæ earundem stellarum; quis dubitet, quin uti visu
nudo æstimatut scr. 30°, ita ejusdem magnitudinis censea-
tur per Telescopium? Nam quod aliquid resecari dicas
de Luminaribus, id de cincinno lucido quem oculi iis cir-
cumjiciunt intelligo, non de reali lumine, docente expe-
rientiâ, Lunam per Tubum ante Eclipsin & in Eclipsi, ejus-
que partem lucidam obscuramque in Novilunis & in De-
feciâ partiali, paris apparere ambitus & extensionis. Et quis
neget, cum per Telescopium Luna ex Proprietate I II, in
omni loco Cæli appareat æquè magna, quin si eam de di-
midio gradu in dimidium gradum prosequendo observe-
mus, abstracto motu secundo, in uno hemisphærii circum-
actu collecturi simus numerum plenarium 720, qui colli-
gitur nudo visu? Quod auten in æstimatione distantia
inter equum secundum & equitem in Vrsa majore ad dia-
metrum Lunæ, res non satis successerit, nihil mirum. Quia
enim lumen Lunæ in oculis nostris nimium dilatatur, per
Tubum autem ejus Diameter proportionaliter ita augetur
ut distantia stellarum per Proprietatem I & II, sit ut nudis o-
culis saepius semper judicemus contineri distantiam illam
in Diametro Lunæ, quam inveniamus per Telescopium.
Adde, quod varia Lunæ stellarumque altitudo supra Horiz-
ontem per Proprietatem III & IV, æstimationem adhuc ma-
gis perturbet. Nam si Luna circâ Horizontem sit, stellæ
circâ Verticem, duplo aut triplo amplius in Diametro
Lunæ videbitur contineri earum distantia, quam si contra-
rios situs obtineant; per Tubum vero comparatio ubique
erit eadem. Stet ergo immotum, Diametrum Lunæ
non esse minorem quam vulgo habetur, sed quando
plena in Apogæo est, occupare partem unius gradus

dimidiā, hoc est scr. 30', tam vīsu simplici, quām per Telescopium.

Sed tempus est ut ad ipsum modum dimetiendi per Tubum Dioptricum tandem deveniam: & ut duplex tibi contigit modus observandi, in Iove per ocularem aestimationem, in Mercurio per transmissionem; ita quoque ipse edisseram, quid per inspectionem ocularem & transmissionem in Planetis compererim. Potuisse quidem observationi tuæ circā Iovem sine ulteriori inquisitione insistere, & ex analogia observationis Mercurij cæterorum Diametros elicere; sed quia non prorsus securum te videbam, majori studio ipse propriis observationibus circā diametrum Iovis

Mercur. *in Sole* *Pag. 36.* incubui. In Excerpto enim tuo ex Epist. ad Keplerum pag. 36,

ais te comperisse Anno 1630 Augusti die 16, ex Appulsu Lunæ ad stellam in pede Ophiuchi, diametrum Iovis tunc prope Acronychij, non majorem apparuisse uno minuto; cum distantia stellulae à limbo Lunæ, videretur æquals distantiæ duarum contiguarum in precedenti cornu Capricorni; neque omnino dimidium ejus intervallum, quod est inter secundum equum in cauda Vrse majoris, & insidentem ei equitem; idemque interstitium judicaretur compleri posse; Diametris Iovis; unde diameter Iovis Acronychii non major fuit

Eiusdem *uno scrupulo.* At rursus pag. 13, comparisonem tuam ad Dia-

Pag. 13. metrum Lunæ, quod ea nudo vīsu absolvetur, neque ad circinum pateret, nondum tibi satisfacere potuisse affirmas. Ideo & aliam mihi viam ineundam censui, ut certius quid hac de re statuere possem. Nam cum per Proprietatem I, certus essem in observatione diametrorum Planetarum ac distantiarum fixarum, candem I ubi distractionem ferri posse; & per II, quæ eodem angulo in Cælo apparent oculis, eodem quoque per Tubum observari: per III autem & IV, pluriimas inspectionis ocularis & Tubicæ dimensionis hallucinationes circumspecte satis removissim: variis temporibus varias inter-

inter se diametrorum Solis, Lunæ, Planetarum, & distantiarum inter fixas, comparationes institui: veruntamen post omnem conatum antequam in V Tubi proprietatem incidisse, nihil certi potui obtinere; cum alias semper atque alias pro diverso Lunæ lumine haberem Tubi comprehensions, quas putabam tam interdui quam noctu, ad Solem, Lunam, & fixas, esse easdem. Vbi enim de die Lunam aut Solem Telescopium implere vidisse, nocte distantias stellarum idem implentes ad eosdem numeros cogere volens, atque ita minus me comprehendere existimans quam revera comprehendebam, minutiores stellarum distantias Planetarumque Diametros ex proportionali comparatione nimium semper extendebam. Postquam verò exeunte mense Augusto superioris æstatis luculento experimento didici, de die minus comprehendendi Tubo quam de nocte, priorem methodum de novo resumens, hac ratione processi. Imprimis sollicitè inquisivi quantum noctu unico & centrali intuitu oculo ad similem post vitrum inferius situm studiosè semper composito, per Tubum possem comprehendere. Tubum autem elegi præstantissimum, qui si ritè applicetur, distantias fixarum, Planetarum ac Lunæ Diametros, sub eadem apertura distinctè repræsentat. Eo ad certam mensuram aperto, vidi accuratè comprehendendi uno intuitu distantiam binorum Hædorum. Hæc verò ex longitudinibus à Tychone assignatis, invenitur scrup. 42¹: tanta igitur fuit Tubi comprehensio nocturna sub tali aperi-
tione. Sed & eadem ex Luna nova 18 Augusti, vesperi horâ 8, mihi probata; cum præter integrum Lunam, ferè Diametri comprehendenderem: Diameter enim Lunæ erat quasi scr. 33¹, cui si addas scr. 7¹, venit tota Tubi comprehensio scr. 40¹, idque in crepusculo: unde consequens est, comprehensionem nocturnam non esse minorem sc. 42¹.

Habitâ porrò Tubi comprehensione, ad minores stellarum distantias me contuli; & circâ contiguas in cornu Capricorni, deprehendi duarum occidentaliorum & obscuram in sequente cornu, proximè item comprehendendi eodem Tubo; contiguas autem esse hujus distantiae quasi $\frac{1}{2}$: distant ergò hæ inter se scr. 5' aut 5 $\frac{1}{2}$. Rursus, cùm deprehendissem ex Eclipsi Anni 1631 Novembris 8, Lunâ in mediis tenebris versante, ejus Diametrum per Telescopium æquari ut proximè distantiae duarum, B & D, in Plejadibus; quia Luna tunc erat Apogæa, conclusi BD esse scr. 30'. Ac postea sèpiùs collatis inspectionibus Tubicis, æstimavi BC esse scr. 31' aut 32'; A B verò scr. 9'. Nam AC faliūs comprehenditur Tubo quām

*A

*B

*E

D*

C*

*

Hædi, ut possit esse scr. 40', AB verò se habere videtur ad BC, ut 1 ad 3 $\frac{1}{2}$, proximè, erit ergò scr. 9' aut 9 $\frac{1}{2}$. BE quasi duplavidetur ad AB, unde esset scr. 18' aut 20'. Duæ contiguæ in secunda Hyadum, videntur æquilaterè distare cum contiguis in cornu Capricorni, nempe scrup. 5' aut fortè exiguo minus: præterea die 26 Novembris 1632, vesperi horæ nonâ, æquabantur sextæ parti Diametri Lunæ, quæ tunc erat scrup. 31'. Equis autem secundis in Ursa majore, & insidens ei eques, distare inter se cernuntur plus duplo distantiae contiguarum in cornu Capricorni, nempe scrup. 11' aut ad summum 12'.

Quibus peractis, quum aliquo modo jam certus essem de distantia contiguarum in w & Hyadibus, cœpi Diametrum Iovis mensis hoc Novembri diligentius cum ea conferre, ac post multas considerationes conclusi subquintuplam videsi dictæ.

dictæ distantiaæ, hoc est, scr. 1' in situ hoc Acronychio; quanta & tibi visa est Anno 1630 mense Augusto. Cæterum cùm & te æstimationi oculorum minus fidere animadverterem; & quantæ foret felicitatis Mercurium per transmissionem à te observatum, mecum considerarem; tentavi quoque num Iupiter per Tubum transmissus foret observabilis. Nec defuit successus. Ipsâ enim die oppositionis eius cum Sole, 13 Novembris, cùm eximia foret serenitas, in opaco concavi, Iovem per Tubum transmisi & dimensus sum. Etsi autem Iupiter ob debilem lucem non ita clarè pingueretur ac libenter exoptasse, tantam nihilominus luculam per Telescopium misit, ut ejus Diameter in opposita tabella commode exciperetur. Erat quidem versus margines dilutior quām in medio, sed accurato oculorum nisu judicari poterat discus ejus satis rotundus, & partium ad summum 4 qualium diameter Solis pridie per idem Instrumentum ad eandem à Tubo distantiam fuerat 130. Quin ut omne dubium removerem, alium Tubum adhibui: ac deprehendi Iovem occupare partes 6, Solem verò post idie ab eadem distantia partes 195 proximè. Penitus ergò confirmatus, cum Diameter Solis tum temporis occuparet scr. proximè 34', conclusi statim Diametrum Iovis non esse majorem scrupulo uno, quantam antea per inspectionem Tubicam collegeram: nam ut 130 ad 4, ita 34' scrup. ad scr. 1': & obiter notavi, non aliam esse Diametrorum æstimatorum per Tubum proportionem, quām transmissarum, quod & in Luna ante animadverteram.

Hoc veluti fundamento posito, contuli me ad Diametros reliquorum Planetarum ac fixarum. Sed quoniam istorum luculae non sunt tam luculentæ, ut Diametros transmissas per circinum liceat dimetiri ab æstimatione oculari per Tubum auxilium petere coactus sum. Sciebam

equidem, Venerem speciem suam per Telescopium satis distinctè referre, & jam ante id notaveram; sed ipsam quantitatem nescio quā tandem incuria neglexeram explorare. Itaque oportuniissimā occasione usus Conjunctionis Veneris & Mercurij, cuius supra mentionem feci, proportionem Diametrorum utriusque ad Iovem, & inter se, facillimè inveni. Erat tum diameter Iovis per Tubum optimum hujus quantitatis |——| Veneris autem Diameter Iovialis, Mercurij: Veneris proximè. Vnde cùm Diameter Iovis in tali situ fuerit scr. 48", fuit Diameter Veneris scrup. 16", Mercurij scr. 10". Quod apprimè cum observatione tua Mercurii consentit. Nam cùm is distiterit à centro Terræ in observatione tua partibus 7372, qualium semidiameter orbis Terræ est 10000; in mea autem observatione partibus 11812, & fuerit tibi observata Diametruſ scr. 20", sequitur in mea observatione fuisse eam scr. 12". Sed postea hæc accuratiū exutiam. Diametrum Martis, ob validam ejus radiationem, raro bene explorare potui: ac ne tunc quidem, ob nubes, cùm in ipso situ Acronychio coniungeretur Lunæ plenæ, hujus Anni 32 Februarij nono. Ad breve enim intervallum temporis allucens Luna, occupato in altitudine sumenda, & aestimanda ipsa Conjunctione distantiaque Martis, non permisit scrupulosius id scrupulare. Hoc solum ultimā recordatione memini: Martem admodum parvum fuisse, & distantiam suam à Lunæ limbo, quæ non attigit Digitum Lunarem, quasi quater potuisse implere. Cum ergo Digitus Lunaris foret scr. 2' 42", patet Martis Diametrum non fuisse multò majorem scr. 36": quam tu ex abscessa portione Diametri Lunæ ab itinere Martis, aestimas fuisse scrup. 30" aut etiam 40". Diametrum Saturni die 16 Iulii 1632, per Tubum observavi quasi distantiae inter duas contiguas in cornu

cornu Capricorni; adnumeratis scilicet appendicibus globulorum ei contiguorum, qui tunc non toti prorsus erant conspicui. Fuisset ergo Diameter Saturni scr. 1' sed rotundi & medii globi scr. 36''. Nam Anno 1625 mense Februario, Saturnus in *Leone* Perigæus & rotundus, visus est æqualis proximè Diametro Iovis observati circà Apogæum Eccentrici & Epicycli in *Libra*, ejusdem Anni mense Octobri, quæ erat scr. 40''. Vnde cum Saturnus Anno 1625 distiterit à centro Terræ particulis 8920, & Anno 1632 particulis 9994, sequitur eum Anno 1632 fuisse scr. 36'' ut suprà assignavimus. Sed præstat distinctius paulò procedere, & singulorum Planetarum in Apogæo ac Perigæo, ac dein fixarum, Diametros, ordine qui sequitur exhibere.

Diametri Mercurij.

Primo, in observatione tua Diameter Mercurii fuit scr. 20'', distititque à centro Terræ juxta Hypotheses *Lansbergij* particulis 7372, qualium semidiameter Orbis Terræ est 10000. Fiat ergo, ut Radius 10000000, ad tangentem semidiametri Mercurij scrup. 10'', 485; ita 7372, ad quartum $\frac{157}{500}$. Item, ut distantia Mercurij Apogæi 145 21 earundem particularum, ad quartum $\frac{157}{500}$; ita Radius 10000000, ad tangentem semidiametri Mercurij Apogæi 246, cui cedunt scrup. 5''. Et ut Distantia Mercurij Perigæi partic. 5479, ad quartum $\frac{157}{500}$; ita Radius 10000000, ad tangentem semidiametri Mercurij Perigæi 651, cui cedunt scr. 14'' ferè. Est ergo Diameter Mercurij Apogæi scr. 10'', Perigæi scr. 28'' ferè.

Secundo, in observatione mea Conjunctionis Veneris & Mercurij, erat Diameter Mercurij scr. 12'', distabatq; à centro Terræ

Terræ particulis 1812. Fiat ergo, ut Radius 10000000,
ad tangentem semidiametri Mercurij scr. 6", 291; ita 11812.
ad quartum $\frac{344}{1000}$. Item, ut distantia Mercurij Apogæa 145
21, ad quartum $\frac{144}{1000}$; ita Radius 10000000, ad tangentem
semidiametri Mercurii Apogæi 237, cui cedunt scrup. 4"
53". Et ut distantia Mercurij Perigæa 5479, ad quartum
 $\frac{344}{1000}$; ita Radius 10000000, ad tangentem semidiametri
Mercurij Perigæi scrup. 13" ferè. Vnde rursus Diameter
Mercurii Apogæi fit scrup. 10", Perigæi scr. 28" proximè.
Nullâ igitur ratione censet D. Schickardus Diametrum Mer-
curij in observatione tua fuisse scrup. 1': nam si hoc verum
foret, debuisset Mercurius in observatione meæ apparere
scr. 36"; & sic Veneris Diameter excurrisset ad scr. 54", Io-
vis ad scr. 2' 42", quod falsissimum.

Diametri Veneris.

IN observatione Conjunctionis Veneris & Mercurij,
Diameter Veneris erat scrup. 16", distabatque à centro
Terræ partibus 16627 qualium semidiameter magni Orbis
Terræ est 10000. Fiat ergo, ut Radius 10000000, ad
tangentem semidiametri Veneris scr. 8", 388; ita distantia
Veneris 16627, ad quartum $\frac{641}{1000}$. Distantia Veneris Apo-
gææ est 17338 earundem partium, Perigææ 2662. Erit
ergo iterum, ut 17338, ad $\frac{641}{1000}$, ita Radius 10000000, ad
tangentem semidiametri Veneris Apogææ 272, cui cedunt
scrup. 7" 40". Et ut 2662, ad $\frac{641}{1000}$; ita Radius 10000000,
ad tangentem semidiametri Veneris Perigææ 2426, cui ce-
dunt scr. 50". Diameter igitur Veneris Apogææ est scr. 15"
3; Perigææ scr. 1' 40"; istaque ad hanc ut 1 ad 7.

Atque ita per ocularem inspectionem duobus hisce Pla-
netis suas diametros assignare tentavi. Si Venus hac tempe-
state

state commoditatē observandi suppeditasset, non omissem ejus Diametrum per transmissionem explorare: quod ipsum quia nunc præstare non potui, non desinam in posterum diligentiore examine perscrutari. *Scheinerus in Sole Elliptico* pag. 25, inter initia ac rudimenta observationum Tubicarum, Diametrum Veneris à se Anno 1612, die 23 Octobris, per transmissionem in ventam asserit scr. 2° 40". Vnde cùm Venus tunc distiterit à centro Terræ partibus 3702, sequeretur Apogæum Diametrum esse scr. 34", Perigæum scr. 3° 42". Verùm quia *absolutam pragmatiam*, ut fatetur, tum temporis non adhibuit; sed *specimen quoddam umbratile* dedit; & mihi tum per congressum Veneris cum Mercurio, tum per alia experimenta, constat, diametrum Veneris circà conjunctionem cum Sole Apogæam, contemptissimæ magnitudinis, nedum $\frac{1}{2}$ scr. apparere; in sententiam ejus necdum potui descendere. Si certiora dies doceat, superiora illicò mutabo. *Galileus* sàne in *Maculis Solaribus* existimat, Diametrum Veneris Apogææ non esse majorem $\frac{1}{2}$ unius minuti; cui nostra $\frac{1}{4}$ unius scr. proximè accedit.

Diametri Martis.

IN Conjunctione Martis & Lunæ, 9 Februarij 1632, Diameter Martis fuit scr. 36" proximè. Erat autem Mars tum temporis Perigæus, ferè in Apogæo Eccentrici quod hodie versatur in 27 gr. *Leonis*. Distantia ejus à Terra erat partium 4368, qualium semidiameter Orbis Terræ est 6586. Fiat ergo, ut Radius 10000000, ad tangentem semidiametri Martis scrup. 18", 873; ita 4368, ad quartum $\frac{381}{1000}$. Item, ut distantia Martis Apogæi 17556, ad $\frac{381}{1000}$; ita Radius 10000000, ad tangentem semidiametri Martis Apogæi 217, cui cedunt scrup. 4" 28"". Et ut distantia

Martis Perigæi 2444, ad $\frac{381}{1000}$; ita Radius 1000000, ad tangentem semidiametri Martis Perigæi 1558, cui cedunt scrup. 32". Est ergo diameter Martis Apogæi scrup. 9" ferè, Perigæi scr. 1' 4", exiguo major Diametro Iovis Perigæi, uti jam videbimus.

Diametri Iovis.

Die 13 Novemb. 1632, diameter Iovis Acronychii erat scr. 60", distabatque Iupiter à centro Terræ partibus 7902, qualium semidiameter Orbis Terræ est 1852. Distantia autem ejus in Apogæo juxta Hypotheses Lansbergij est earundem partium 12310, in Perigæo 7690. Esto igitur, ut Radius 10000000, ad tangentem semidiametri Iovis scr. 30", 1454; ita distantia 7902, ad quartum $\frac{15}{100}$. Et ut 12310, ad quartum $\frac{15}{100}$; ita Radius 10000000, ad tangentem semidiametri Iovis Apogæi 934, cui competit scr. 19 $\frac{1}{4}$ ". Iten ut 7690, ad $\frac{15}{100}$; ita Radius 10000000, ad tangentem semidiametri Iovis Perigæi 1495, cui debentur scrup. 30" 51"". Manifestum ergo est, diametrum Iovis cum longissimè abest à Terra, non esse majorem scr. 38 $\frac{1}{2}$: cùm verò Terræ est vicinissimus, majorem non esse scr. 1' $\frac{1}{3}$ ".

Diametri Saturni.

ANNO 1625, mense Februario, die 17, Diametrus Saturni circà finem Leonū Perigæi, visa est per Telescopium ut proximè æquari diametro Iovis ferè Apogæi in Eccentrico & Epicyclo istius Anni mense Octobri, quæ erat scrup. 40". Intellige autem diametrum globi medii seu

seu majoris trium Saturni. Iterum, Anno 1632 Mensis Julio, die 16, oblonga Saturni & sociorum ex parte conspicuorum diametrum, visa est unius minutus, sed remotis sociorum appendicibus scrup. quasi 36". Hinc deducamus cæteras ejus diametros. Distabat Saturnus in priori observatione à centro Terræ particulis 8920 proxime, quarum semidiameter magni Orbis Terræ est 1007. Sit ergo, ut Radius 10000000, ad tangentem semidiametri Saturni scr. 20", 970; ita 8920, ad quartum $\frac{865}{1000}$. Distantia Saturni Apogæi est earundem partium 11577, Perigæi 8423. Fiat ergo rursus, ut 11577, ad $\frac{865}{1000}$; ita Radius 10000000, ad tangentem semidiametri Saturni Apogæi 747, cui cedunt scrup. 15" 25". Item ut 8423, ad $\frac{865}{1000}$; ita Radius 10000000, ad tangentem semidiametri Saturni Perigæi, 1027 ferè, cui competit scr. 21" 11". Est ergo Diameter Saturni Apogæi scrup. 31" ferè, Perigæi scrup. 42" $\frac{1}{3}$.

In secunda observatione, erat distantia Saturni à centro Terræ partium 9994, ejusque semidiameter scr. 18". Fiat igitur, ut Radius 10000000, ad tangentem scrup. 18", 873; ita 9994, ad quartum $\frac{872}{1000}$. Et rursus, ut distantia Saturni Apogæi 11577, ad $\frac{872}{1000}$; ita Radius 10000000, ad tangentem semidiametri Saturni Apogæi 753, cui debentur scrup. 15" $\frac{1}{2}$. Item ut distantia Saturni Perigæi 8423, ad $\frac{872}{1000}$; ita Radius 10000000, ad tangentem semidiametri Saturni Perigæi 1035, cui conveniunt scrup. 21" $\frac{1}{3}$. Est ergo rursus diameter Saturni Apogæi scrup. 31", Perigæi scrup. 42" $\frac{1}{3}$, proximè ut in observatione antecedenti.

Diametri Fixarum.

ET si radiatio stellarum fixarum adeò valida sit, ut diffi-
cillimè eārum globulos rotundos ac terminatos licet
per Telescopium intueri; variis tamen temporibus, mo-
disque, circa earum maximam Canem majorem occupatus;
postquam oculos mentemque diu fatigavi, hoc saltem po-
tui obtinere, quod videatur diametro sua occupare $\frac{1}{6}$ unius
scrup. primi. Hinc, cum non omnes stellæ primæ magni-
tudinis sint ad visum æquales (sive id lumini diverso ad-
scribendum veniat, sive revera magnitudinem mutent) de-
scensit facto ad stellas reliquas, ajo, fixas primi honoris in-
fra Sirium esse in diametro scrup. 8", secundæ scrup. 6",
terriæ 5", quartæ 4", quintæ 3", sextæ 2", & si lubeat ita
porro: magnâ certè discrepantiâ à placitis cæterorum
Astronomorum. Verum quum jam à Planetarum Diamo-
tris, per observationes Tubicas certissimas, tam multum
demonendum esse constet; quidni idem faciamus in fixis?
Prodeat qui per alia Instrumenta veriorem quantitatem
affinget, & palmam dabimus. Nunc fruamur præsentibus,
& in tabella Stellarum errantium inerrantiumque Dia-
metros, nec non earum magnitudines, tam ad globum
Terræ quam ad magnum ejus Orbem, uni conspectui ex-
ponamus. Et quidem suppositâ distantia fixarum à Terrâ
partium 28000000, qualium semidiometer Orbis Terræ
est 10000, ex ultima sententia D. Lansbergij.

Tabella

Tabella exhibens Diametros Magnitudinesque
Planetarum & Fixarum.

Diametri.	In Apogeo.	In Perigeo.	Magnitudines.
Mercurij.	scr. 10".	scr. 28".	Mercurius minor est Terrâ vicibus 6510.
Veneris.	scr. 15" $\frac{1}{3}$.	scr. 1' 40".	Venus minor est Terrâ vicibus 1109.
Martis.	scr. 9" ferè.	scr. 1' 4".	Mars minor est Terrâ vicibus 1534.
Iovis.	scr. 38" $\frac{1}{2}$.	scr. 1' 1" $\frac{2}{3}$.	Jupiter minor est Terrâ vicibus 1 $\frac{1}{4}$.
Saturni.	scr. 31".	scr. 42" $\frac{2}{3}$.	Saturnus major est Terrâ vicibus 2 $\frac{1}{3}$.
Strij.	scr. 10".		Sirius minor est Orbe Terræ vicibus 3 $\frac{1}{3}$.
Fixarum Magnit. I.	scr. 8".		Stella primi honoris minor est Orbe Terræ vicibus 6 $\frac{1}{3}$.
Magnit. II.	scr. 6".		Fixa secundi honoris minor est Spharâ Terræ vicibus 15 ferè.
Magnit. III.	scr. 5".		Fixa tertii ordinis minor est Orbe Terræ vicibus 25 $\frac{2}{3}$.
Magnit. IV.	scr. 4".		Stella quarti ordinis minor est Orbe Terræ vicibus 50 ferè.

Magnit. V.	scr. 3''.		<i>Stella quinta magnitudinis minor est sphaera Terræ vicibus 122.</i>
Magnit. VI.	scr. 2''.		<i>Fixa sexti ordinis minor est Orbe Terræ vicibus 412 ferè.</i>

Et jam sanè desinant *Copernicum* tantoperè exagitare, qui ob ingentem fixarum magnitudinem, Motum Terræ ab eo introductum, non verentur explodere. Videmus enim fixas primi honoris multò minores esse magno Orbe Terræ, quas illi putant enormiter eum excedere. Assumpsit autem *Lansbergius* distantiam illam fixarum, ex suppositâ Parallaxi Orbis Terræ scrup. 7° 22'', *Vranometriae* pag. 124. Quid futurum censes, si minorem multò statuamus, ex Parallaxi majore, quæ ferè tolerari potest sine evidenti damno observationum cælestium? Eò decrescent stellarum moles, ut aliquot solummodò vicibus superare videantur nostrum Solem. Et quis adeò difficilis est, ut non concedat dari in vastissimo illo Cæli spatio, corpora lucida Sole majora, cùm videat tam validâ rapidâque ejaculatione lucem suam circâ se diffundere, ut ea, *Galileo* teste, oculum veluti pungat, & perpetua vicissitudine in se resorbeatur? En iterum in tabellâ ut magnitudines fixarum invenerim ex suppositâ Parallaxi Orbis Terræ scrup. 30'', & distantia à Terrâ partium 68754937, quarum semidiameter Orbis Terræ est 10000.

Tabula

*Tabula exhibens Magnitudines fixarum ex Distantia
earum à Terra partium 68754937, qualium
semidiameter Orbis Terræ est 10000.*

Canis major.	Minor est magno Orbe Terre vicibus 217.
Fixe magnitudinis I.	Minores sunt Orbe Terre vicibus 422.
II.	Minores sunt Sphaera Terre vicibus 1012.
III.	Minores sunt Sphaera Terre vicibus 1725.
IV.	Minores sunt Orbe Terre vicibus 3285.
V.	Minores sunt Orbe Terre vicibus 8245.
VI.	Minores sunt Orbe Terre vicibus 27826.

Atque hoc etiam modo, stellarum fixarum magnitudines ostendisse sufficiat. Redeo ad *Discursum tuum*, in quo occurrit memorabile *quartum*; quod cum ex observatione tua jam constet, Mercurium cæterosque Planetas, ac fixas, in se esse adeò parvas; nihilominus eæ ex tanto intervallo oculis fiant conspicuæ. Nimirum validissimam vim lumini inesse oportet, quod per ingentem Cæli profunditatem tam exigui corpusculi speciem præbeat conspiciendam; & insuper ita se dilatet, ut oculi tantillam faculam in immensum judicent excrescere. Idque singulari consideratione non caret. Cui enim antehac potuisses persuadere, positis tan illis Planetarum Diametris, eos sub tam ampla mole fore conspicuos? Fixas equidem, quibus proprium lumen dum conesseram, cernebam ob vegetam radiationem luculenter satis posse videri, at majorem semper molem desiderabam: & Planetas ne sperare quidem audebam tam splendido lumine à Sole imbuī, ut fixarum instar, aut amplus.

pliùs etiam refulgeant. Postquam verò superioribus observationibus confirmatus, vidi, majores corporum moles Planetis fixisque non posse assignari, nisi falsam speciem nobis obtrudi patiamur pro verâ; mirari satis non potui, vivere nos in lumine, & intimam ejus naturam pene altissimè ignorare; agitantibus hinc inde dubitatem diversis Philosopherum sententiis. Non dilabar hîc in encomium lucis, ne nimium prolixus sim; unum modò exemplum addam nobis familiare, quod dubitanti considerandum dedit tuus ille ac meus amicus, doctissimus simul atque integerrimus *D. Beecmannus*, rerum Mathematicarum scientiâ & harum contemplationum amore nulli secundus. Is enim, cùm nullâ ratione credere me cerneret, stellas sub tantillo angulo extam ingenti distantia fieri conspicuas; intueri jussit flamas candelarum, quæ per aërem nostrum ab intervalllo 1 aut 2 milliarium sàpè conspiciuntur, & tamen quamminimum angulum in visu subtendunt, abstractis radiis adventitiis, quos oculi nostri in tenebris omnibus lucidis circumjiciunt. Ego verò reprobè perpens à viderem non ineptam esse comparationem, sed stellarum apparentias vivo velut exemplo ob oculos ponî, illicò ad calculum me contuli, quem addo. Esto flamma candelæ latitudine unius digiti pedis Riinlandici; distetque à visu pedibus iisdem 18000, quot ex sententia *D. Snelli* nostri, reperiuntur in milliari Hollandico: apparebit ea sub angulo unius scrupuli secundi. Nam ut 18000 pedes, hoc est, 216000 digitii, ad digitum 1; ita Radius 10000000, ad 46 tangentem unius ferè secundi. Cùm ergò candelæ flamma sub angulo unius secundi, ex intervalllo milliaris videatur; & insuper molem apparentem in oculo vehementer augeat; stellas quoque vel minimas, sub unius secundi angulo videri posse, & molem suam in visu ita augere ut judicentur majores multò quam

quàm sint, tandem credidi : omnesque mecum idem existimatos confido, qui non hoc tantum exemplo, sed & observationibus nostris eandem rem videant confirmari; præsertim quum tam crassum medium Auræ Ætherie stellarum radiis probabiliter non occurrat, quàm Aëris lumini candelarum.

Quinto considerandum, quod Venus & Mercurius et si in Solem incurrant, nunquam sensibilem possint introducere Eclipsin. Non sanè ob diaphaneitatem suorum globorum, aut propriam lucem, ut censuerunt Veteres, sed ob nimiam parvitatem. Mercurij enim prorsus Perigæ Diametru

*Mercur.
in Sole
pag. 16.
et 17.*

*s*cr. 28", Veneris Perigæ scr. 1' 40"; illa minor $\frac{1}{2}$, hæc $\frac{1}{10}$ parte Diametri Solis. Et quanquam hanc Veneris quantitatem non omnino inobservabilem existimem; tam exigua tamen est, ut nudis oculis videri nequeat sensibilem partem de disco Solis obscurare. Dico sensibilem partem de disco Solis; quia prorsus inconspicuum abituram non audeo afferere: cùm quod tibi non contigisse ais pag. 17, Anno 1621, 10 Septembris, ut nempe macula $1\frac{1}{3}$ scr. in diametro, nudis oculis posset conspici; id mihi contigerit Anno 1625 die 15 Maii, quando macula nigerrima ac densissima scrupuli 1', in disco Solis occidentis, notata est nudis oculis per aliquot dies continuos: quod & Galileo, tibique aliás accidisse affirmas: ut certum sit, Venerem Perigæam cùm est scr. 1' $\frac{1}{2}$, observatori attento non penitus abire posse inconspectam. Mercurium autem prorsus inobservabilem tecum existimo; cùm frustra nudis oculis eum, etiam per nubila, quæsieris. Nam Kepleri præcocem olim de observato Mercurio in Sole triumphum, ejusque sententiam de Veneris Diametro scr. 7' futura, flocci facio; cùm istum ipse dudum recantarit; hanc ex speculationibus Harmonicis, non observationibus, determinarit; uti patet ex Admonitione ad Astronomos

pag. 12. *Abenrois* quoque, vestrorumque Annalium vias
in Sole maculas, in numerum vulgarium recipio: cùm non
adeo rarum jam sit, maculas in Sole conspici, etiam absente
procul Mercurio.

Sexto & hoc notandum, quod maculæ Solares quamplu-
rimæ Mercurium, nonnullæ Venerem mole sui corporis, si
modo solidæ sint ac rotundæ, longissimè superent. Nam
si pro certo accipiamus, uti videtur accipiendum, maculas
eas circumvolvi aut in superficie Solis, aut saltem in ejus vi-
cinia; sequitur eas immensæ molis corpora circumducere,
quæque non parum excedant globos dictorum Planeta-
rum. Unam in conspectum sisto, superiùs memoratam.
Hæc enim rotunda propemodum fuit, adeoque densa ac ni-
gra, ut nunquam postea densiorem observarim; & contendere ausim, densitati globi Lunaris nihil fuisse concessuram.
Die 15 Maii 1625, observata mihi est per Tubum propè
ipsum centrum disci Solaris, magnitudine unius scrupuli pri-
mi proximè. Vnde si solidam supponamus & calculum insti-
tuamus ad instantiam Solis à Terra mediam (facilioris nu-
merationis causâ, et si vero fuerit remotior) 1500 semidia-
metrorum Terræ, venit ejus semidiameter $\frac{212}{165}$ semidiametri
Terræ. Veneris autem semidiameter ex nostris diametris
visibilibus & distantiis Lansbergianis est semidiametri Terre
quasi $\frac{96}{155}$; Mercurij, semidiametri Terræ $\frac{73}{155}$; quas si cubicè
excipiamus, videbimus maculam istam superasse molem
Veneris vicibus $11\frac{3}{4}$, Mercurij, vicibus 60 ferè.

Mercuri in Sole pag. 18. *Septimo* & ultimò observandum, Astrologiæ judiciariæ
magnam necessariò esse incertitudinem, cùm in reliquis,
tum præcipue circa effectus hujus Planetæ. Nam quia nu-
meris Astronomicis etiam exactissimis quos reperire hæc-
tus licuit, tanta ineft inconstantia, ut loca Mercurij non
raro alia offerant, quām in Cælo deprehenduntur; quā
quæso.

quæso ratione Astrologi effectus ipsos ad justum tempus determinabunt? Certe si omnino acceptanda sunt eorum Præcepta, saltem de motibus Corporum Cælestium initio nos certos esse oportet, priusquam circumspiciamus de operationibus in hæc inferiora ad certum tempus alligatis. Nunc, quia ipsi motus in incerto laborant, quæ spes est legitimè & exactè quid ex Arte ista posse prædici? Itaque patrocinium ejus non suscipiam: sed hoc saltem pace tua adhuc monebo; quod non artem tantum Astrologicam, sed & ipsos Corporum Cælestium effectus, alicui videri possis vocare in dubium, argumento nimia parvitatis Mercurij. Non dico effectus circà particulares hominum actiones: istos enim pariter tecum rideo, qui non sum nescius quam vanis ac frivolis principijs innitantur; sed circà impressiones in Mundum elementarem generales. Quod sanè nulla ratione videtur concedendum. Esto enim Mercurius, esto Venus parva; Soli comparentur ut pulex giganti; quid tum? Nullos ergò effectus eis dabimus? Absit. Fortè materiae propriæ dispositio talis est in illis Planetis, ut sub parva mole ingens lateat virtus, quæque in se tam sit valida, ut Soli comparata, non perinde absorbeatur ac vis guttule aquæ dum conjicitur in fistulam vini, ut verbis tuis utar. Videmus in corporibus Elementaribus, quanto impetu unicus pyrij pulveris manipulus sphæram plumbeam è bombardâ explodat: & unus cyathus spiritus vini rectificati, quantum æstum excitet, præ fatis magnâ copiâ vini vulgaris assumpta. Quidni dicamus de Mercurio & Venere, eos sub parvo corpore magnos in hæc inferiora effectus possidere, & non minus pro modulo agere quam ipsum Solem? Ego sic existimo: nisi quis manifestam Solis Lunæque actionem in Mundum sublunarem negare velit, hoc est, cum sensu & ratione pugnare; cum nullo jure, nullo argumento,

gumento, reliquis Planetis suam quoque actionem dene-
gare; eoque minus providè, ex tua sententia, ob nimiam
Mercurij parvitatem omnes ejus effectus promiscuè de-
struere. Sed hæc sine dubio mecum agnoscis: & ride modò vanitatem hominum, ex positu siderum varia mor-
talibus fata canentium; qua in parte neque ego illis sub-
fidiū feram neque justam tuam indignationem conabor
inhibere.

Mercur. in Sole pag. 19. Superest literarum tuarum *Conclusio*, in qua veritati po-
tius adhærendum censes, quām proprijs conceptibus; &
nisi testimonij cælestibus indubitatis ratiocinationes no-
stræ confirmantur, nihil eas valere vis; ne curiositate hu-
manâ in rebus adeò sublimibus ipsi nobis somnia fingamus
potiùs, quām veritatem indagemus. Agnosco candorem
tuum, *Gassende* doctissime, & revera ita se rem habere, pro-
fiteor. Nam nisi diligentibus τὰ φαινομένα observationi-
bus inventa nostra congruant, frustra Harmonias advoca-
mus, frustra leges præscribimus motibus Corporum Cæle-
stium incompertis. Hoc ergò potius agendum est, quām
inanibus somniis indulgendum; quæ magis ἐπιφίλωνται
ut ais, ortum habent, quām ἐπιφίλωνται, è qua oriri de-
bebant. Qui contrasentiant, videant quæsò quot jam bo-
nas horas perdendas haberet præcipiuus Harmoniarum ar-
chitectus *Keplera*, si quemadmodum observatio tua omnem
Consonantiarum supellec̄tilem diffavit ac destruxit; ita ge-
nuinam Cælestium globorum symmetriam de novo tene-
retrur exstruere. Mea sententia, quam hactenus plenā voce
ad aures omnium Astronomorum decanto, hæc est. Ob-
servationibus fidendum esse, non speciosis ratiocinationi-
bus: Geometricis demonstrationibus, non Harmonicis
speculationibus. Quò illæ ducunt, ducendos quoque no-
stros conceptus: ne dum ob inventam frivolam aliquam
propor-

proportionem inter Corpora Cælestia, ingenio blandimur nostro; ipsa tandem talium pedicarum expertia, tempusque rerum parens, ineptiam prodant speculationum, omnemque laborem iis impensum posteritati ridendum pleno calice propinent. Atque utinam plures viderent, hanc demum legitimam esse viam restituendi motus Corporum Cælestium! Profectò melius consulerent Arti nostræ: & ut nunc circà putamen obhærent, dum fallacibus conjecturis rem tantam conficiendam arbitrantur; ita contra hoc modo ad nucleus tandem pervenirent, si non ipsi, saltem posteri, quorum secutura scientia inventis nostris necessariò fulciri debet, ne insimili nobiscum luto hærentes, defectu diligentiae majorum suorum obtinere nequeant, quod alioqui sperari potest eos obtenturos. Quo in voto acquiescens, Dissertationi meæ ad priorem tuam Epistolam finem imponam, transitus ad Eclipsin Lunæ anni 1631, quæ in Postscripto tuo sequitur.

De Eclipsi Lunæ, 8 Novembris 1632.

Mercur. in Sole pag. 20. **C**irca hujus Deliquij observationem, optime Gassende, serenior mihi Lugduni in Batavis affulxit aura, quam tibi Parisiis. Nubila siquidem quæ Mercurij conspectum inviderant die 7, commodum dissipata sub noctem sequentem, diem 8 serenissimam reliquere. Vespere diei 8 etsi subinde recurrerent durante Deliquio, non tamen adeo crassa fuere aut continua, quin præcipua momenta accurate permiserint observare. Post finem denuò condensata totam inde noctem copiosissimo imbre consperserunt. Ita quod circa Mercurij absentiam contraxeram tedium, hac serenitatis oportunitate in Luna discussum est. Quoniam verò neque initium tibi, neque cæteræ phases præter immersionem totalem, certò satis sunt observatae; recitabo hic meam observationem, ac cum momentis à te assignatis conferam. Initium ergò mihi visum, cum altitudo centri Lunæ apparens per Quadrantem æreum radio 4 pedum, esset grad. 43 scrup. 9'; hoc est, horâ 9 scrup. 30'. Digi sex deficientes, cum Aldebaran elevaretur versus ortum gr. 36 scr. 40', hoc est, horâ 10 scr. 3 $\frac{1}{2}$ '. Totalis immersio cum eadem stella alta foret grad. 40 scrup. 48', seu horâ 10 scrup. 36' ferè. Paulò post, nubes occuparunt Lunam usque ad ultrà medium, & pluit nonnihil. Restituta fuit Luna aliquot scrupulis ante emersionem Aëre jam serenissimo, coloris flavi diluti versus limbum orientalem. Lux à Sole allapsa in ipsissimo puncto emersionis, notabiliter distincta à luce secundaria; eoque certissima observatio initij emersionis, alto scilicet sequente humero Orionis ad ortum gr. 36 scrup. 30', hoc est, horâ 12 scrup. 17' ferè. Similis serenitas circa Digitos sex restitutos, quando ejusdem stellæ alti-

altitudo exacta fuit gr. 39 scrup. 42', è qua prodit hora 12 scr. 50' ferè. Finis merus per tenues nubes, cùm centrum Lunæ foret altum ad occasum gr. 51 scrup. 5', hoc est, horâ 13 scrup. 23' ferè. Quibus ita bonâ fide expositis, promptum est colligere, quo tempore assignatæ à te Phases Parisis contigerint. Cùm enim differentia Meridianorum Goefani & Parisiensis, ex observationibus D. Lansbergij sit scr. 9', & Goefani ac Leidensis scr. 3', patet, differentiam Meridianorum Parisiensis & Leidensis esse scr. 12'. Hæc igitur si à momentis suprà expositis auferantur, manebit Parisis initium horâ 9 scr. 18'; totalis immersio horâ 10 scr. 24' ferè; principium emersionis horâ 12 scr. 5' ferè; finis horâ 13 scr. 11'. Optandum esset majorem tibi adfuisse serenitatem. Nam quod finem ultrà horam 13 scrup. 11' extendas, à nubibus est, quæ penumbram pro mera umbra repræsentarunt: & quod emersionem non ritè assignaris, ab æstimatione situs Lunæ ad Meridianum rudiori, & observatione nimis lubrica; cùm quæ hinc colligebatur hora 12 scrup. 13', non potuerit alia esse quàm 12 scrup. 5'. In totali immersione proximè consentimus. Habes enim horam 10 scrup. 22 $\frac{1}{2}$, ego horam 10 scrup. 23 $\frac{1}{2}$, intercedente differentiâ unius solum minuti: quæ tolli posset si cum Schickardo inter Tubingam Lutetiamque poneremus gradus longitudinis 7 $\frac{1}{2}$: sed cum observatio tua tantam scrupulositatem non admittat, retinendam censeo differentiam quam statuit Lansbergius, grad. 7 $\frac{1}{2}$. Et sic breviter observationem meam cum tua contulisse sufficiat, eaque viâ totam rem, quod desiderabas, emendasse.

Cæterum, quia præstantissimo D. Schickardo accuratiùs observare datum est eas Lunæ phasēs, operæ pretium erit, ejus observationem cum mea conferre, tum ut consensus inter nos videatur, tum ut serviat instituto ejus Geographico.

Responsi-

Schic-
kardi,

pag. 35.

36. 37.

Etc.

phico. Initium non vidit impeditus nubibus: verùm supposità differentiâ Meridianorum inter Goesam & Tubingam scrup. 22', quantum D. *Lansbergius* è multis *Mestlini* observationibus cum suis collatis invenit; & inter Leidam Tubingamque scrup. 19', sequitur è nostra observatione, initium contigisse Tubingæ horâ à meridie 9 scrup. 49'. Immersionem ferè totalem animadvertis horâ 10 scrup. 48', superstite luce Lunæ, vix digitum latâ; unde ipsissima immersione quasi 5' scrup. fuit posterior, nempe horâ 10 scrup. 53', nobis horâ 10 scrup. 55' ferè. Emer-
sionis principium accuratè notavit horâ 12 scrup. 35'; nobis verò fuit illud horâ 12 scr. 17' ferè, esto 16 $\frac{1}{2}$, qui-
bus additis scrup. 19', venit emersio D. *Schickardii* horâ 12 scrup. 35 $\frac{1}{2}$, quod cum observatione ipsius ad miraculum consentit; differentiamque Meridianorum arguit omnino legitimam. Digitos sex reilluminatos vidit hora 13 scr. 10', nos horâ 12 scrup. 50' ferè, esto 12 scrup. 49 $\frac{1}{2}$, re-
dabitque differentia longitudinis scrup. 19 $\frac{1}{2}$, exacto satis consensu. Finem difficulter apprehendit; verùm ut è no-
stra observatione contingere is debuit Tubingæ horâ 13 scrup. 42'; ita mox fatetur, ad eam horam nihil amplius ap-
paruisse, nisi confusum pallorem, qui meram umbram solet ut prætre advententem, sic abeuntem sequit. Vnde utriusque observatio-
nem iterum quasi ex condicto videmus consentire. Non possum hic omittere, quin diligentiam viri & in obser-
vando peritiam, omnibus deprædicem. Videant ergo Astronomi, quām arctus deprehendatur consensus inter
binos observatores, sibi mutuo ignotos, absentes, & in-
communicatis consiliis eandem Eclipsin aggressos. Mi-
rentur oculorum conspirationem in dijudicandis phasi-
bus, quod inter duos tam disparis ætatis homines vix un-
quam licet invenire. Gratulentur Arti nostræ, superesse
adhuc

adhiuc post mortem præstantissimorum Artificum, quos
jucunda talium rerum permovet utilitas; quique postha-
bitis vulgi ludibriis non desinunt de posteritate bene me-
reri, Sideraque ingenio suo supponere: & licet ea pau-
cos habeat sui excultores, modò *Gaffendos*, *Schickardos*, aut
similes, obtineat, abundè ei prospectum esse censem.
Sed pedem referre præstat ne nos longius à proposito ave-
hat iste impetus; & cum D. *Schickardo* considerare Elicita ex
hac observatione, quæ membris constant sex, quorum pri-
mum est

Medium Eclipsis.

Illud ex paribus phasibus ante & post, invenitur conti-
gisse Leidæ horâ 11 scrup. $26\frac{1}{2}$ post meridiem. Ini-
tium enim fuit horâ 9 scrup. 30', finis horâ 13 scrup. 23'.
Differentia est horarum 3 scrup. 53'. Ejus dimidium hor.
1 scrup. $56\frac{1}{2}$, additum ad horam initii, prodit medium hor.
horâ 11 scrup. $26\frac{1}{2}$. Item, Digitis sex deficientes observati
sunt horâ 10 scrup. $3\frac{1}{2}$: Digitis sex restituti, hor. 12 scrup.
50' ferè. Differentia est hor. 2 scrup. 46'; cuius medio
hor. 1 scrup. 23' addito ad horam 10 scrup. $3\frac{1}{2}$, venit
rursus tempus medij Eclipseos hor. 11 scrup. $26\frac{1}{2}$. Tu-
bingæ quæ scrup. 19' orientalior est, suisset medium horâ
11 scr. $45\frac{1}{2}$. D. *Schickardus* habet hor. 11 scr. 43', quas vix
integro minuto à veritate abesse posse existimat. Sed cùm
ante ex phasi secunda & sexta colligat hor. 11 scrup. 45',
certum est, huic potius fidendum, quàm priori hor. 11
scrup. 43'.

K

2. Dura-



2. Duratio ac Mora.

DVratio ex principio & fine colligitur hor. 3 scrup. 53': mora ex incidentia & emersione hor. 1 scrup. 41'. *Schickardus* prodit durationem hor. 3 scrup. 56', idque ex phasibus estimatis. Verum quia initium suprà collegimus ei contingere debuisse hora 9 scrup. 49', finem verò observavit hora 13 scrup. 42', certum est, durationem ei quoque fuisse hor. 3 scrup. 53', ut nos observavimus. Mora ex immersione *Schickardi* mera à nobis supra assignata hora 10 scr. 55' ferè, & ex accurate ab eo observata emersione hora 12 scrup. 35', venit horæ 1 scrup. 40', paulò major. Quæ omnia accurate cum observatione nostra convenient.

3. Differentia Meridianorum.


EA inter Leidam Tubingamque per antecedentia colligitur esse scrup. 19', inter Leidam & Parisis lcrup. 12'; adeoque inter Tubingam & Lutetiam scrup. 31'. Ut ita inter Leidam & Tubingam sint gr. 4 scrup. 45'; inter hanc & Lutetiam gr. 3; interque Lutetiam & Tubingam grad. 7 scrup. 45', qui *D. Schickardo* sunt $7\frac{1}{2}$. Pudendam aliorum Autorum discrepantiam circà longitudinem Terræ deplorare magis licet, quam emendare. Optandum esset ut hæc cura summos Rerumpublicarum rectores aliquando tandem sollicitaret; quò præstantibus Artificibus hic illuc missis, per Cælestes observationes longitudines locorum in meliorem ordinem redactæ, Artium præstantissimam diutiüs in incerto fluctuare non permetterent. Sed antiquæ istæ quærelæ sunt, & surdis auribus toties

canta-

cantatæ. Præstat mediis uti quibus licet, & particulares doctorum virorum conatus amplecti; quos inter clari D. Schickardi studio felicem progressum voveo, & adjumenta quæ potero alaci animo conferre non desinam.

4. Semidiameter Umbræ Terræ.

Pro semidiametro Umbræ Terræ eligam duas phases accuratè observatas, quando scilicet præcisè semissis Diametri Lunæ fuit in Defectu. Prior fuit horâ 10 scr. 3 $\frac{1}{2}$, secunda horâ 12 scr. 50' ferè. Describatur autem centro D Umbra Terræ AOGA, & in E atque A Luna, ita ut utrinque deficiat semissis Lunaris Diametri. Cùm ergò iter Lunæ EA, fuerit horarum 2 scrup. 46', cedent ei in orbe



Lunæ scrup. 75' 23'', ex dato scilicet motu horario Lunæ à Sole scr. 27' 15'', ex Hypothesibus Lansbergij, (cui Luna altius

altius multò incedit in Apogæo, quod pag. 39, in Lunariis Tychonis jure desiderat Schickardus) eritque BE medietas itineris Lunæ scrup. $37' 41''$. Cumque CA semper minor sit quam AB, duplo reductionis Lunæ ad Eclipticam, quæ tum erat scrup. $12''$ ferè, fuit CB scrup. $24''$; ideoque DB latitudo Lunæ in medio Eclipsis scr. $4' 34''$ borea. Nam in triangulo CBD rectangulo ad B, dato crure CB scrup. $24''$, & angulo D gr. 5, erit, ut sinus angule D 871, ad sinum complem. ejusdem 9961; ita CB $24''$, ad DB latitudinem Lunæ in medio Eclipsi scr. $4' 34''$ boream. Iam verò, in triangulo DBE rectangulo ad B, ex datis cruribus DB scrup. $4' 34''$, BE scrup. $37' 41''$, venit basis DE pro semidiometro Umbræ scrup. $37' 57''$. Lansbergij Tabulæ dant scrup. $38' 13''$. D. Schickardus ex angulo Verticalis & lineæ per centra circà phases non prorsus exactè observatas scr. quasi $39' \frac{1}{2}$.

5. Locus Nodi borei.

IN triangulo DBF rectangulo ad B, ex dato crure BD scrup. $4' 34''$, & angulo F grad. 5, invenitur basis DF scrup. $52' 26''$. Nam ut sinus F 871, ad Radium DF 10000; ita BD scrup. $4' 34''$, ad DF scrup. $52' 26''$. Hæc igitur ablata à loco D Nadir Solis ad medium Eclipsis grad. 16 scrupul. $13'$ Scorpj, juxta numeros Lansbergij, præbet locum Nodi borei in grad. 15 scrup. $20' \frac{1}{2}$ Scorpj.

6. Latitudo Lunæ ad has phases.

IN triangulo DBE, datâ base DE scrup. $37' 57''$, & crure DB scrup. $4' 34''$, invenitur angulus BED gr. 6 scrup.

scrup. 54', cui æquatur D A B. Cùm verò is in triangulo DEF sit exterior, patet ablato F grad. 5 ab angulo E grad. 6 scrup. 54', remanere ED G grad. 1 scrup. 54'. In triangulo ergo D GE rectangulo ad G, fiat, ut Radius 10000, ad sinum D grad. 1 scrup. 54', 331; ita DE scrup. 37' 57", ad EG latitudinem Lunæ boream in hoc situ scrup. 1' 15". Similiter, in triangulo A D H rectangulo ad H, quia angulus D æquatur angulo A grad. 6 scrup. 54', & angulo F grad. 5, erit ut Radius 10000, ad sinum anguli D grad. 11 scr. 54', 2062; ita DA scrup. 37' 57", ad AH latitudinem Lunæ in situ posteriori scrup. 7' 49" boream. Quæ nobis erant ostendenda.



K 3

AD

AD EPISTOLAM II

DE

INVISA VENERE.

*Mercur.
in Sole
pag. 23.*



Bservationem conjunctionis Veneris & Solis, quam intra dies 6 & 7 Decembri futuram promiserat Calculus, nobis Lugduni Batavorum prorsus invidere nubes. Die enim 6, cælum fuit nubilum & pluvium flante Coro, ita ut toto die ne semel quidem comparuerit Sol. Die 7 tempestas eadem pluvia & ventosa continuis nubium involucris Solem texit; nisi quod sub vesperam, modicè hiantibus nubibus, nonnihil de Sole occasuro visum, Venerem nusquam comparente. Dies 8 serenior fuit & frigida, spirante Aquilone & Hypaquilone: Venerem verò nusquam exhibuit. Maculas quidem illas quas observasse te scribis, vidisse me memini; sed nescio quā incuria earum à centro Solis distantiam tum neglexi explorare: fortè quia tam attentus in adventum Veneris, nihil penè cogitavi, quām qua ratione ejus transitui commode satis insidiarer. Tædet profectò ejus negligentiae. Quia enim diligenter adeò à te observatae sunt, oportunissima fuisse occasio, pronuntianda aliquid de situ utriusque, & parallaxi, si forte aliquam habuerint. Verumenimvero cùm emendari ea non possit, sufficiet pauca hic annotasse ex observatione tua. Ac primò cùm diameter maculæ fuerit pars sexagesima diametri Solis; patet, majorem fuisse diametro Mercurij antecedente mense à te observati, quod & alias non estrarum. Secundo, certissimo experimento comprobatur,

batur, iter maculæ tardius fuisse itinere Mercurij; eoque non maculam aliquam è numero vulgarium à te observatam, sed ipsissimum Mercurium: neque metum esse nc cùm *Keplero* palinodiam canere cogaris, & pro Mercurio maculam visam denuò agnoscere. Cùm enim die 6 in meridie distaret à centro Solis particulis 7, die verò 7 in meridie partibus 13 $\frac{1}{2}$, certum est horis 24 distantiam à centro Solis variatam particulis 6 $\frac{1}{2}$. Mercurius verò distantiam suam à centro Solis mutavit intra spatiū horæ particulis propemodum 14: non fuit ergò è numero macularum vulgarium, sed ut dispari motu promotus, ita longè alio situ in Cælo circumvolutus. *Tertio*, cùm macula die 8 non nihil mole apparuerit contractior; videmus Planetarum & perennium Mundi corporum apparitiones in maculas non cadere. Illi enim ejusdem semper magnitudinis globos visui nostro objiciunt, neque tantillum aut ampliantur aut contrahuntur, nisi pro diversa visus distantia: hæ non in dies solum, sed & in horas sæpè figuræ molesque suas variant, uti tum hæc tua, tum aliorum experientiæ notum faciunt: eoque pro Planetis non sunt habendæ, qui variis periodis & concursibus hanc diversitatem efficiant; sed alia originis earum causa est inquirenda, ne in infinitum quasi, Planetarum numerum cogamus extendere. Hæc ita delibasse satis sit. Quia enim Veneris conspectu ambo caruimus, non est quod diutius iis inhæream. Addam tantum calculum loci Veneris è Tabulis *Lansbergianis*, ut videatur quid præbeant ejus viri Theoricae. Tempus medium Vraniburgi assignatur die 26 Novembris Iuliani, horis 9 scrup. 41' à Meridie, quæ sunt Gocæ horæ 8 scrup. 56': hoc est, Sexagenæ dierum 2 $\frac{1}{2}$ 45 $\frac{1}{2}$ 28', Dies 6, scr. 22' 20". Quibus debentur hi mctus.

ÆQVINOCTIORVM.	<i>Sex.</i>	<i>gr.</i>	<i>'.</i>	<i>".</i>
-----------------------	-------------	------------	-----------	-----------

Anomalia Æquin.	5	56	52	11.
Prosthaphæresis addenda			12	30.

S O L I S.	<i>Sex.</i>	<i>gr.</i>	<i>'.</i>	<i>".</i>
-------------------	-------------	------------	-----------	-----------

Medium Solis à med. Æquin.	4	15	5	20.
Verus ab Æquin. vero	4	14	31	4.

V E N E R I S.	<i>Sex.</i>	<i>gr.</i>	<i>'.</i>	<i>".</i>
-----------------------	-------------	------------	-----------	-----------

Æqualis motus Apogæi.	1	31	35	44.
Anomalia centri	2	43	29	36.
Prosth. centri subtrahenda			35	1.
Scrup. proport.			59	0.
Ergo longitudo Centrica	4	14	30	19.
Anomalia Orbis	2	59	39	39.
Anom. Orbis æquata	3	0	14	40.
Prosthaphæresis Orbis subt.			39	31.
Long. Veneris ab Æq. medio	4	13	50	48.
Ab Æquinoctio vero	4	14	3	18.
Motus Nodi borei	1	11	38	20.
Distantia à Nodo	3	2	51	59.
Latitudo Veneris Austrina	1	58	9.	

Differentia longitudinum Solis & Veneris ad hoc tempus est scr. 28', latitudo Veneris austrina gr. 1 scr. 58'. Incidit ergo **Conjunctio** citius quam tempore à **Keplero** assignato; nempe horâ à meridie 2 scrup. 5' **Goese**, & horâ 1 scrup. 56' **Parisiis** tempore medio; sed ob ingentem Veneris latitudinem neutiquam fuit corporalis: sicut etiam à te observatum est die 6 Decembris, diversis horis ante & post

post meridiem : ut videoas Calculum Lansbergianum conjunctionem Veneris & Solis prout à te observata fuit , exactè repræsentare , & notabili defectu laborare Calculum Keplerianum.

Ad Monitum i de Marte.

Die 10 Decembbris mane horâ 7 , visus est mihi Mars Leidæ non præcisè in recta linea cum Corde & Cer-
vice Leonis , sed occidentalior scr. 2' aut ad summum 3'.
Cepi autem distantiam ejus à Regulo , Radio Astrono-
mico gr. 2 scr. 24' , & à Cervice grad. 5 scrup. 59'. Tibi
judicatus est proximè attingendus limbus Martis orientalis
à dicta linea , & postridie notatus in tantum orientalior
quantum erat occidentalior die præcedente . Diurnus
Martis in longitudine erat scr. 11' , tam secundum Keplerum ,
quām secundum observationem meam diei 9 , quā mane
eādem horâ æstimavi Martem esse occidentaliorem diūtā
lineā , scrup. 13'. Vide itaque , qua ratione observatio-
nem tuam cum cælo conciliare valeas . Nam neque tar-
dior fuit diurnus Martis , ut opinaris , neque in Kepleri cal-
culo error unius diei : & distantia Martis à Corde grad. 2
scrup. 26' , à te observata die 11 , videtur majorem requi-
rere distantiam à linea recta versus Orientem quām habebat
die 10 versus Occidentem . Ipse interea pergam ad Eclipsin
Solis anni 1630.

Mercur.
in Sole
pag. 30.

De Eclipsi Solis Anni 1630.

IN Excerpto ex Epistola ad Keplerum , initium Eclipsis accidisse
scribis die 10 Iunij , horâ 6 scrup. 16' $\frac{1}{2}$ à Meridie ; finem
non fuisse observatum ob decubitus Solis superstite De-
fectu.

Mercur.
in Sole
pag. 33.

fectu 2 propè Digitorum : medium verò visum horā 7 scr.
 12' à meridie; maximamque obscurationem fuisse Digitorum 11 scrup. 32'. Mihi eandem Eclipsin observanti Dor-
 draci Batavorum initium non visum ob nubes, sed maxima
 obscuratio incidit circà horam 7 scrup. 16'; fi-
 nis, cùm supremus Solis margo altus esset scrup. 30', horā
 nempe 8 $\frac{1}{4}$ aut circà. Quoniam autem observatio mea cum
 Tabulis *Lansbergij* ad amissim convenit, uti videre est in ejus
Vranometria pag. 92, & Tabulis *Astron.* pag. 71; non
 alienum à proposito reor, quatenus eadem observationem
 tuam repræsentent inquirere. Tempus apparens Conjun-
 ctionis veræ fuit *Goesæ* horā 5 scrup. 58' à meridie, cùm
 Sol esset in grad. 19 scrup. 37' 32" *Geminorum*, Luna in
 grad. 19 scrup. 37' 26" π ; *Lutetiae* autem, quæ 9' scrup.
 horæ occidentalior est *Goesâ*, horā à meridie 5 scrup. 49'.
 Erat tunc Parallaxis Lunæ à Sole in longitudinem scrup.
 39' 58", motus horarius Lunæ à Sole verus scr. 30' 51",
 visus scr. 31' 7". Sol versabatur in quadrante occidentali:
 ergo visa copula sequuta est veram hor. 1 scr. 17'; fuitque
 horis à meridie 7 scrup. 6'.

Datur vero tunc

	"	"
Parallaxis longitud. Lunæ à Sole	38	47.
Parall. latit. Lunæ à Sole	40	31.
Latitudo Lunæ borea vera	39	22.
Latitudo Lunæ australis visa	1	9.
Semidiameter Solis	16	50.
Semidiameter Lunæ	16	29.
Summa semidiametrorum	33	19.
Scrupula deficiencia	32	10.
Ergo Digi. Ecliptici 11 scrup.	28'	
		Scru-

Scrupula incidentiæ erant $33' 17\frac{1}{2}$, tempus incidentiæ hor. 1 scr. 2'. Cœpit ergo Eclipsis horis à meridie 6 scr. 4'. Sol occidit verè Parisiis horâ 7 scrup. 56': quo tempore datur locus Solis visus in gr. 19 scrup. 41' 25" II, Lunæ visus in gr. 20 scrup. 10' 32" II, cum latitudine visa scrup. 3' 17" australi. Ac proinde distantia centrorum fuit scrup. 29' 17", minor aggregato semidiametrorum scrupulis 4' 2"; quæ arguunt Dig. Eclipt. 1 scrup. 47' $\frac{1}{2}$. Occupavit ergo Sol Parisiis cum Defectu duorum propè Digitorum. Quantitas Defectus in medio & occasibitu Solis, nec non tempus utriusque phaseos, cum observatione tua satis bene convenit: solum discrimen est in observatione initij scrup. 12'; sive vitio altitudinis Solis aut Quadrantis, seu ob varietatem parallaxium, qua sit ut Luna scrupula incidentiæ pari tempore non percurrat, quo exhibet Calculus. Ipse pro candore tuo disquires ubi culpa hæreat, mihi animus fuit liberè hæc monere.

Ad occultationem Saturni à Luna.

HAEC Saturni & Lunæ Conjunctionem, forte fortuna *Mercur.* domo absens, ignarusque futuram corporalem, vidi *in Sole* post medium noctem diei 19 Iulij, cùm jam Saturnus plus *pag. 34.* diametro Lunæ removeretur versus occasum. Itaque nihil *& 35.* habeo quod cum observatione tua conferam. Quoniam autem & tibi accuratè satis observare horam ingressus non licuit, tentabo quatenus numeri Ephemeridis cum ea congruant. Præbent autem Ephemerides *Keplert* ad horam Parisiensem 10 scrup. 10', hoc est, Vraniburgensem 11 scrup. 4', locum Lunæ verum in grad. 28 scrup. 52' $\frac{1}{2}$, cum latitudine borea gr. 3 scrup. 41': locum Saturni verum in gr. 28 scrup. 48' $\frac{1}{2}$, cum latitudine borea grad. 2 scr. 37'.

Distabat tum locus Lunæ à Meridiano versus occasum horis 2 scrup. 15': ergò ex Tabulis Parallaxium Reinboldi datur distantia loci Lunæ à Vertice grad. 67 scrup. 19', latus longitudinis partium 2 scrupul. 8', latus latitudinis partium 59 scrup. 51'. Parallaxis altitudinis Lunæ erat scrup. 59': ergò parallaxis longitudinis scr. 2' 6" subtrahenda, parallaxis latitud. scr. 58' 51" subtr., & locus Lunæ visus in gr. 28 scrup. 50' \approx , cum latitudine visa grad. 2 scrup. 42' borea. Saturnus autem erat in gr. 28 scr. 48' \approx , cum latitudine gr. 2 scrup. 37' borea; ergo differentia longitudinum Saturni & Lunæ scrup. 2', differentia latitudinum scr. 5', & proinde distantia centrorum scrup. 5'. Semidiometer Lunæ erat scrup. 18'; texerat ergò jam Saturnum per hos numeros, cum tibi demum inciperet tegere; differentiam in longitudine scrup. 15', in latitudine scrup. 7'. Porro quod lumen Lunæ nudis oculis de nocte nimium augeatur, & non per Telescopium, evidens addis documentum, cum distantiam Saturni à limbo Lune per Telescopium adhuc satis magnam, nudis oculis vix stellam tertiae magnitudinis aquare, judicasse te affiras. At quod hinc, & ex Conjunctione Lunæ ac Martis Diametrum Lunæ in se minorem esse quam vulgo habeatur, suspiceris, non videtur habere fundatum; quia solius visus affectio illa est, non rei ipsius,

Eiusdem pag. 36. quemadmodum suprà satis ostendi; eoque pluribus hanc tuam observationem non persequar. Vti nec transitum Lune propè stellulam Ophiuchi. Nam quia parva ea est, & mihi appulus Lunæ inobservatus, operæ pretium non videtur, diutius ei immorari: præsertim cum supra diametri Iovis ex intersticio inter Lunæ limbum & stellam astimatæ, diligentem habuerim rationem. Succedit Conjunctione Lune & Martis, utrique visa atque observata.

De

*De Conjunctione Luna plena & Martis
acronychi.*

VT tibi Martem Parisiis Luna texit, sic ea mihi Lug-
duni Batavorum præteriit Martem sine contactu. Die
enim 5 Februarij, cùm nubes Conjunctionis aspectum eri-
puisse viderentur; egoque serâ jam vesperâ decrevissem ob-
servationi supersedere; nocte tamen in spem è strato sur-
gens, dehiscentibus post modicam pluviam nubibus, Lu-
nâque ad breve tempus prorsus restitutâ, vidi Martem ut
proximè eis secundum longitudinem esse conjunctum, &
distare à boreo limbo, minus uno Digito Lunari. Erat tum
per Quadrantem æreum altitudo limbi inferioris Lunæ ap-
parens gr. 38 scrup. 35', centri grad. 38 scrup. 51', eoque
hora post meridiem 15 scrup. 30'. Post pauca minuta Lu-
nam iterum eripuere nubes atræ, excitata pluvia & grando,
flante Coro in superiori aëre. Numeri *Lansbergiani* accuratè
conveniunt cum observatione, ut videre est in ejus *Thefauro*
Observationum Astronomicarum, pag. 171, & 172: itaque
ad observationem tuam venio, quæ Martem habet à Luna
tectum; ut videamus quatenus iidem numeri eam referant.
Initium occultationis fuisse scribis horâ 3 scrup. 3' post me-
diam noctem, emersionis horâ 3 scrup. 33'; unde pro tota
mora veniunt scr. 30', pro medio hora 3 scr. 18', quando
Mars fuit quasi scrup. 1 $\frac{1}{2}$ australior limbo Lunæ boreali. Ex
quibus obiter noto: ex medio à te assignato hor. 3 scrup.
18', & mēa annotatione Conjunctionis hor. 3 scr. 30', re-
dire eandem differentiam Meridianorum, quæ alias inter
Lutetiam Leidamque inventa est; scrup. nempe 12': ut
jam nunc de consensu utriusque videatur non nisi bene spe-
randum.

randum. Sed age experiamur numeros. Ad diem igitur
5 Februarij, horis à meridie 15 scrup. 30' sub Meridiano
Leidensi, hoc est, horis 15 scrup. 18' sub Meridiano Pari-
sensi, dantur hi motus ex Tabulis *Lansbergij*,

Solis verus in grad.	16	scrup.	58	7'''
Ascensio recta temp.	319	scr.	26.	
Locus Lunæ verus in gr.	16	scr.	42	31.8.
Latitudo borea vera gr.	4	scr.	58	33.
Locus Martis verus gr.	16	scr.	24	37.8.
Latitudo borea gr.	4	scr.	33	43.

Culminabat autem Parisiis horâ 15 scrup. 18' à meri-
die, grad. 9 scrup. 44' ≈, cum distantia à Vertice grad. 52
scrap. 43'. Inter gradum culminantem & locum Lunæ
erant grad. 53 scrupul. 2' Occasum versus. Ergo locus
Lunæ distabat à Vertice grad. 52 scrupul. 5'. At cen-
trum Lunæ aberat à Vertice grad. 47 scrupul. 31', ergo
angulus parallacticus erat grad. 66 scrup. 20'. Parallaxis
Lunæ Horizontalis scrupul. 58' 2", Altitudinis scrupul.
43' 16", Longitudinis scr. 17' 22" subtrahenda, Latitu-
dinis scrup. 39' 37" subtrahenda. Ideoque locus Lunæ
visus erat in grad. 16 scrup. 25' 9" 8., latitudo visa grad. 4
scrap. 18' 56" borea. Mars autem erat in grad. 16 scrup.
24' 37" 8., cum latitudine borea grad. 4 scrup. 33' 43";
ergo differentia longitudinis scr. 0' 32", differentia latitu-
dinis scr. 14' 53". Semidiameter Lunæ erat scr. 16' 16";
Mars igitur erat à Luna tectus, & supererant de Diametro
Lunæ ultra centrum Martis versus Boream scr. 1' 23", hoc
est, quasi 1' ½ ut habet tua observatio, erantque ambo in ea-
dem proximè longitudine. Atque ita quod observationem
ipsam.

ipsam attinet, vidimus numeros *Lansbergij* phænomenum hoc accuratè exhibere; et si *Keplerius* Martem non tectum iri, sed duntaxat à Luna attingendum prædixerat. Cætera quæ de diametro Martis, & Telescopio sequuntur, quia ante excussi, hic non considerabo: hoc tantum addam, ex hac tua observatione liquidò jam constare, differentiam Meridianorum Leidenfis & Parisiensis, nec majorem esse nec minorem scrup. horæ 12', hoc est, grad. 3 in Æquatore, velut ante etiam ex Eclipsi Lunari ostendebam.

Ad Monitum de Marte, & sequentia.

PHænomenum hoc diei 13 Ianuarij, nox pluvia, ac nubila nobis invidit. Reponam ergo ejus loco aliam *in Sole* observationem habitam die 18 Ianuarij, quam non illibenter accipias. Vesperi enim dictæ diei horæ 9 $\frac{1}{2}$ visus est Mars pag. 45. & 46. in recta linea cum Pectore & Corde Leonis, deflectens Diametro sui corporis aut exiguo amplius à linea hac versus Occasum. Distantia ejus à Pectore versus Cor erat quasi $\frac{1}{3}$ unius gradus, & æqualis ad visum distantia duarum in collo Canis minoris, aut duarum mediarum rhombi superioris in capite Hydræ. Si ergo ex *Tychone* statuamus longitudinem Reguli in grad. 24 scrup. 42' ϖ , latitudinem scrup. 26' $\frac{1}{2}$ boream: longitudinem Pectoris Leonis in grad. 22 scrup. 45' ϖ , latitudinem grad. 4 scrup. 52' boream; invenietur Mars per operationem mechanicam in plano, in grad. 23 scrup. 3' ϖ , cum latitudine grad. 4 scrup. 13' borea. *Keplerius* habet grad. 22 scr. 58' ϖ , cum latitudine grad. 4 scrup. 15' borea. Vnde fit evidens, motum Ephemeridis satis propè hic cum observatione convenire,

nire, licet in tua observatione diei 13 aliqua foret discrepantia, sine dubio non aliunde orta, quam quod Keplero suffecerit, radiori Minervâ id monuisse, quod diligentes fiducium observatores ad positum Martis ipsi attenderent.

Quod ad Elevationem Poli Lodunensem; modò sit legitima, differt toto gradu à Tabulis vulgaribus: hæ enim duntaxat 47 graduum eam exhibent, cùm ista excurrat ad 48; ingenti sanè discrimine. Meridianorum differentia, quam ex observatione Lunæ & Reguli colligis scrup. 57' inter Diniā & Lodunum, non potest esse tanta: neque enim principium obscurationis, ut nosti, potuit in tam diversis locis convenire ad dictam differentiam longitudinis, ob varietatem Parallaxium Lunæ. Quocircà rectius tecum differentiam Meridianorum Diniæ & Pictavij aut Loduni, facio scrup. 38', & Pictavij ac Lutetiae scrup. 20'. Vtinam certiori examini plurima Galliæ vestræ loca subjicerentur! Haberemus unde magnum incrementum caperent res Geographicæ. Vides enim quam pudenda lateant vitia in Tabulis quæ vulgo circumferuntur. Quod si hac in parte tuam, tuique similium contingere me excitare industriam, dubium esse non potest, quin ut optime de Geographia te meritum ita communibus studiis semper prodeesse cupientem, tota eruditorum cohors uno ore esset celebratura.

ET sic quidem Dissertationem hanc qualemcunque, Gafsende præstantissime, ad finem perduxvi. Rogo nunc te quam possum humaniter, ut libertatem meam in bonam partem accipias, & in Astronomicorum studiorum utilitatem, observationibus in posterum non segnius incumbas, quam haetenus incubuisti. Fac sentiat Mundus,
dari

dari viros, quibus cordi sunt sublimia hæc, & ut vulgo neglecta, sic captum negligentium longè superantia. Fac sentiant Posteri, quorum ævo plenior reservatur rerum Cælestium scientia; inventa atque observata tua, indefesso labore conquisita, tanquam media summè necessaria, alacri ac benigno animo in publicum esse collata. Ita enim fiet, ut dum ex communicatione observatorum illi se profecisse sentient; gratâ mente memoriam tui recolant: & postquam communis necessitatis legem impleveris, doctis tamen bonisque spires & placeas. Ego quoque, quantisper Deo visum fuerit, non desinam observando Astronomie pro viribus prodeesse: adeoque & nunc fidem meam liberans, Observationem Conjunctionis Veneris & Mercurij, nec non Eclipseos Lunaris hujus anni 1632, quam sub manu versante hoc Tractatus naetus sum, hic addo: partim ut desiderio tuo, quo avidè exquiris quicquid hujusmodi Observationum obtinetur ab Astronomis, fiat satis; partim ut D. Schickardi institutum in emendandis Mercurij motibus, & repurganda Geographia, quæ possum juvem ac promoveam.

M

Con-

Coniunctio Mercurij & Veneris

Anni 1632, Iulij 31.

Die 31 Iulij Gregoriani, mane post horam tertiam, cum summa esset Cæli tranquillitas, vidi Coniunctionem Veneris & Mercurij. Erat Venus per nebulas Horizontales paulò hebetior, sed tamen conspicua ab horâ 3^½, coloris nitidioris quam Jupiter tunc unâ conspicuus. Scintillabat lente instar oculi Tauri, & radiis non admodum longis. Mercurius nudis oculis nullo pacto videri potuit, nisi quod aliqua Veneris appendicula ad sinistram bis terve judicaretur conspici, sed incertò. Color Mercurij per Tubum erat Venerio multò rubicundior, ita ut ad hunc comparatus, esset velut color Aldebaræ ad colorem Veneris aut Iovis. Mirabar, qui alias Mercurium tam clari luminis conspexeram, ut Veneri nihil judicarem cedere. Erat diameter Iovis per eundem Tubum hujus magnitudinis |---|: Veneri etiam sub ortum Solis hora campanæ 4 scr. 20', cum seu ob claritatem aëris, seu ob attractum rorem ac nebulas Horizontales in majorem altitudinem, foret pene inconspicua non major $\frac{1}{3}$ parte diametri Iovis: nam ne tunc quidem exactè detonata ac nuda apparebat, sed tamen distin-

ctior quam horâ 3^½, sic  . Diameter Mercurij erat con-

temptissimæ magnitudinis, & ad summum $\frac{2}{3}$ diametri Ve-

neris, sic  . Distantia Veneris & Mercurij per Tubum

videbatur scrup. circiter 7': erat enim sensibiliter major di-
stantiâ

stantiâ duarum contiguarum in cornu Capricorni, ut & ;
parte Diametri Lunæ pridie observatæ; sic



Ducto circulo à Iove in Venerem pro Zodiaco, videbatur Venus occidentalior à circulo longitudinis Mercurij, dimidiâ distantiâ. Ad Horizontem autem comparata, erat horâ $3\frac{1}{2}$, aut paulò post, $\frac{1}{4}$ parte distantiæ humilior Mercurio. Cxterum quia ob colorem rubrum Mercurij conturbatus, verebar ne eum pro Venere, aut hanc pro Mercurio acciperem; die sequenti iterum considerandum duxi, num verè is esset Mercurius quem putaveram. Favente itaque postridianâ serenitate, mane horâ $3\frac{1}{2}$ iterum observavi Venerem, & vidi Mercurium in tantum ab ea removeri, ut uterque Tubo eodem non posset comprehendendi, superstite quasi $\frac{1}{4}$ diametri Lunæ ultrâ Tubi comprehensionem. Erat autem is quem pro Mercurio præcedenti die aspiceram, orientalior Venere, ac proinde cùm motu velociorem jam ante ex Ephemeride scirem, verum conclusi esse Mercurium. Aëstimavi autem eum Venere borealiorem $\frac{1}{3}$ parte distantiæ, sed ex Zodiaci ejusque polorum rudiori imaginatione.

Hactenus recenseo Observationem: addo & Calculum *Lansbergij*, ut videoas ejus viri numeros, qui in Conjunctione Mercurij & Solis discrepantiam unius gradus continebant; exactè prorsus hanc Apparentiam designare. L'antur enim ad tempus propositum hi motus.

Æ Q V I N O C T I O R V M .	Sex.	gr.	'	"
-----------------------------	------	-----	---	---

Anomalia Æquin.

Prostaphærcsis addenda

5	57	0	25.
		12	30.

V E N E R I S.	Sex.	gr.	°.	''.
Medius motus Solis	2	8	58	39.
Medius Apogæi Veneris	1	31	36	40.
Ergo Anomalia centri	0	37	21	59.
Prosthaph. centri subtrah.			12.	22.
Scrupula proport. 5' $\frac{1}{3}$.				
Longitudo Veneris centrica	2	7	46	17.
Anomalia Orbis media	5	25	57	32.
Anomalia Orbis æquata	5	27	2	54.
Prosthaph. Orbis subtrahenda	13		34	4.
Ergo longit. Veneris ab Æq. med.	1	54	12	13.
Ab Æquinoctio vero	1	54	24	43.
Motus Nodi borei Veneris	1	11	38	45.
Distantia ejus à Nodo boreo	0	56	7	32.
Ergo latitudo Veneris gr. o scr. 34' 43" borea.				

M E R C U R I I.	Sex.	gr.	°.	''.
Medius Apogæi	3	59	27	13.
Anomalia centri	4	9	31	26.
Prosthaphæresis centri addenda	2	54	0.	
Scrupula proport. 59'.				
Longitudo Centrica	2	11	52	39.
Anomalia Orbis media	4	56	45	11.
Anomalia Orbis æquata	4	53	51	11.
Prosthaphæresis Orbis subtrah.	17		35	5.
Ergo long. Mercurij ab Æq. med.	1	54	17	34.
Ab Æquinoctio vero	1	54	30	4.
Motus Nodi austrini	3	44	10	26.
Distantia Mercurij à Nodo austrino	4	27	42	13.
Ergo latitudo Mercurij gr. o scr. 39' 5" borea.				

Fuit ergo locus Veneris in grad. 24 scrupul. 24' 43" $\text{\textcircled{S}}$, cum latitudine borea scrupul. 34' 43": locus Mercurij in grad. 24 scrupul. 30' 4" $\text{\textcircled{S}}$, cum laitudine borea scr. 39' 5". Differentia longitudinum fuit scrup. 5' 21"; differentia latitudinum scrup. 4' 22"; ac proinde distantia Veneris & Mercurij scrup. 6' 54": eratque Venus occidentalior Mercurio dimidiâ ferè distantiam omnino uti habet observatio.

Calculus *Kepleri* in Ephemeridibus, præbet Conjunctionem ipso meridie diei 31 Iulij Vraniburgi, quæ Leida fuisse hora 11 scrup. 18'. Unde patet errorem esse horarum 11. Mihi enim mane jam præterierat Mercurius Venerem ad scrup. 5'; fuitque vera Conjunctione hora noctis 11 $\frac{1}{2}$ circiter.

Longomontani Tabulæ enormius longè ab observatione abeunt. Præbent enim locum Veneris in grad. 24 scr. 40' $\text{\textcircled{S}}$, cum latitudine scrup. 34' borea: locum Mercurij in gr. 27 scrup. 33' $\text{\textcircled{S}}$ cum latitudine borea grad. 1 scrup. 24'. Unde fuisse differentia longitudinum gr. 2 scr. 53'; latitudinum scr. 50'; distantiaque gr. 3, quod est falsissimum.

Eclipsis Lunæ Anni 1632 Octobris 27.

DIes 26 Octobris cùm pluvia fuisse ac valde humida, factum nihilominus, ut 27 à mane ad ultra medium noctem serenissima fuerit ac tranquillissima. Præparato igitur magno Quadrante & Tubis opticis, Luna clarissime splendens paulò post decimam campanæ cœpit ex improviso ad ortum adeò pallescere, ut ex subita mutatione ignaro judicari potuisset jam deficere. Verum adhibito Tubo, directoque Quadrante versus Lovem, visum fuit meram De-

fectus initium cum is ad ortum altus foret grad. 41' scr. 36', hoc est, horâ 10' scr. 20'. Locus enim Iovis fuit in gr. 22' scrup. 44' & ex *Lansbergij* Tabulis, cum latitudine gr. 1' scr. 9' $\frac{1}{2}$ australi; ideoque ejus Ascensio recta gr. 50' scr. 36' $\frac{1}{2}$. Declinatio gr. 17' scr. 24' borea. Medium, quatenus aestimare potuimus, observatum est cum altitudo Iovis ad ortum esset grad. 50' scrup. 2', seu horâ 11' scrup. 32'. Defectus maximus vix visus est excedere Digitos 4 $\frac{1}{2}$. Finis merus apparuit cum altitudo Aldebaræ versus ortum foret grad. 50' scrup. 13', ex qua & Ascensione recta stellæ grad. 63' scrup. 47', Declinationeque borea grad. 15' scrup. 44', colligitur hora 12' scrup. 44'. Duravit ergo Eclipsis hor. 2' scr. 24', mediumque fuit Lugduni in Batavis, ubi observatio peracta, horâ 11' scrup. 32'.

Keplerus habet Vraniburgi initium hora 11' scrup. 20' tempore apparenti; finem horâ 13' scrup. 37'. Illud fuisset Leidæ horâ 10' scrup. 38', hic horâ 12' scrup. 55'; cum tamen initium fuerit hora 10' scrup. 20', & sic anticipaverit Eclipsis scrup. 18', nedum ut scrup. 17' serius contigerit quemadmodum ille vult.

Hic finem facio, & te cum Reverendo ac Doctissimo tuo *M. Mervenno*, salvere ac valere ex animo jubeo.

Lugd. Batavor. Idibus Decembr. Anni cI 100 xxxii.

Πάντοτε Δόξα Θεῷ.



Errata aut omissa Lector benevolus sic corrigat.

Pag. 15. l. 8. pro *ad D*, *lege à D.* p. 21. l. 28. post *scr.*
16' 42", intersere *ab Äquinoctio vero.* Pag. 28. l. 1. post
scr. 3' 40", sic legendæ sunt tres lineæ sequentes: *Et quan-*
quam ipsa illustratio ultra hemispherium tum non sit tanta, ac est alibi;
tamen ne sic quidem sensibilis sit differentia. p. 36. l. 16. pro *sede,*
lege de se. p. 42. l. 29. *lege proprius.* p. 60. l. 3, *lege earum.*

LUGDVNI BATAVORVM,

Ex Officinâ Typographicâ


WILHELMI CHRISTIANI,

ANNO CLC XXXXII.



THEATRUM CHERASCIANUM

ANNO 1610.



H
T
D
ta